

ETAPI YA NTANGU YAYI YA MINISTELE YA MUNU



...?...na kuvwandaka ya kulemba mpe ya kukondwa ngolo. Mpe beto me kuzwa kubundana mingi na nzila, balukutakanu ya kitoko, na kupesaka mbote na Baklisto kubanda kisika na kisika, kubanda na zulu, tii na Côte Est, mpe diaka kuna na Côte Ouest tii na Canada. Mpe na ngwisani ya mbote na kati ya mabuundu nionso ya denomination, ya ba-Assemblée ya Nzambi, mpe ba-Pentecotiste ya Kuvukana, Dibuundu ya Nzambi, Foursquare, mpe mingi ya ba-organisation yankaka yina salaka kintwadi, kuzwaka balukutakanu ya nene. Lunungu ya nene, mutindu ba lendaka bokila yawu na ntwala bubu yayi, mpe mu banza ti bantu mingi ke bokila yawu “nene.” Kasi, munu, mu kele revivaliste. Mpe reveil, na nzonzolo ya yinsi, me kuma kaka na nsuka. Mpe beto kele. . . Mu ke zolaka kumona réveil kisika bantima kele na tiya, bamambele ve, kasi réveil. Mfumu ya beto salaka bimangu mingi ya kubeluka ya bantu, mpe, ya kieleka, mingi vulukaka. Mpe ntangu yayi mu kele na yinzo, mu ke pema mwa ntangu fyoti, mpe mu ke vutuka na lukutakanu na basabala fyoti, kana Mfumu kuzola.

² Mpe ntangu yayi yayi kele samu na bantu mingi mpe bankundi ya munu na yinza ya muvimba. Mu ke zola kutalisa na nkokila yayi, awa na tabernacle. . . Kana beno, mosi ya beno vwandaka kuna mpe beno lendaka mona, bawu kele kieleka tiya na tabernacle na nkokila yayi. Bantu kele ya kufuluka na kati mpe bisika nionso na nziunga, ya kutelama na kati ya bielo, mpe na ngaanda na kati ya matoma ya bawu mpe nionso, mpe ndungutila kele ngolo mingi, mpe ya ke vwanda mpasi samu na bantu mpe samu na munu mosi diaka.

³ Kasi mu me kuma na kisika yayi yina mu zola tendula yinki kitezo ya ntangu beto ke na kuzinga landila ministele yina Mfumu pesaka munu. Mpe mu zolaka kutula yawu na bande na tabernacle. Ya kwisaka na ntima ya munu na printemps me luta, kasi mu vingilaka tii kuna mu vutukaka awa samu mu tula yawu na bande, samu na kutinda yawu na beno bantu ya yinza.

⁴ Ya me kuma pene ya bamvula makumi tatu na zole me luta, ti ntangu Mfumu Yesu, na kati ya ba-mètre nkama mosi na makumi tanu kisika mu kele awa, awa na Jeffersonville na Nana ya Bala-bala Penn, na suka yina ntangu mu tulaka ditadi ya nsongi na tabernale yayi, na ntangu yina awa vwandaka kaka kiziba. Mpe mu zingaka kaka na lweka yankaka ya nzila na diboko

ya munu ya kikento awa, ya vwandaka ntete mu kwelana, mu vwandaka zinga na tata ya munu mpe mama ya munu, ti Mfumu Yesu vumbulaka munu na suka yina ba tulaka ditadi ya nsongi, pene-pene, na suka-suka, pene ya ngunga sambanu. Mpe mu vwandaka ya kulala na mbeto mwa ntangu fioti, na ntima ya munu ya kufulukuka na kiese, mu vwandaka banza na ntangu yayi ya nene ti Mfumu Nzambi zolaka pesa munu tabernacle samu na kulonga. Mu vwandaka kaka ntwenya ya bakala kuna. Mpe kilumbu yina mu . . . mwana-kento yina mu vwandaka kwenda, yina vwandaka ntama mingi ve samu na kuvwanda kento ya munu na mvula ke kwisa, ya zolaka vwanda na beto kilumbu yina beto zolaka tula ditadi ya nsongi.

⁵ Mpe mu ke bambuka moyo na suka yina ntangu mu vumbukaka, mpe na kati ya kivinga, na zulu awa na Bala-bala ya Sambwadi. Kima mosi tubaka, “Telema.” Mpe mu telemaka. Mpe mu monaka, mutindu ya vwandaka, kisika ya nene, mpe ya vwandaka mutindu kisika bawu zolaka . . . nzadi mosi vwandaka kubasisa maza na kiwanda. Mpe mu kumaka kuna na nzadi mpe mu bakulaka ti ya vwandaka kisika yina Jean-Baptiste vwandaka botika bantu, mpe ba salaka yawu kwe mosi samu na bangulu. Mpe mu vwandaka sawula yawu mingi, mu tubaka ti ya lendaka salama ve.

⁶ Mpe na yina mu vwandaka kuna, Ndinga mosi tubaka na munu mpe nataka munu, mpe mu monaka tabernacle yayi kaka na mutindu ya kele kaka na ntangu yayi. Kasi ya vwandaka na bantu mingi tii kuna ba tulaka bawu nionso, na tabernacle, na kondisyo yayi, kaka mutindu ya kele na ntangu yayi. Mpe mu—mu vwandaka na kyese, ya kutelama na manima ya chaire, na kutubaka, “Nzambi, wapi mutindu Nge ke mbote na kupesa munu tabernacle.”

⁷ Mpe, na ntangu yina, Wanzio ya Mfumu zonzaka na munu, mpe tubaka, “Kasi yayi kele ve tabernacle ya nge.”

Mpe mu tubaka, “Na yina, Mfumu, wapi kisika kele tabernacle ya munu?”

⁸ Mpe Yandi zangulaka munu na Kimpeve dyaka, mpe tulaka munu kuna na kati ya kilanga ya bayinti. Mpe kuna na kilanga ya bayinti vwandaka kaka bandonga ya bayinti ya kusungama, pene ya bame tele sambanu, to yivwa na yinda. Mpe ya monanaka ti ya vwandaka bayinti ya bambuma, mpe ya vwandaka na kati ya bakantini ya nene ya vert.

⁹ Mpe na yina mu talaka diboko ya munu ya kibakala mpe na diboko ya munu ya kikento, ya vwandaka na kantini mosi ya mpamba na lweka, mpe mu tubaka, “Yinki samu na yayi?”

¹⁰ Mpe Yandi tubaka, “Nge ke kuna na kati ya yawu.” Na yina mu bendaka divala mosi na yinti na diboko ya munu ya kibakala mpe mu tulaka yawu na kati ya kantini na lweka ya kibakala, mpe divala mosi na diboko ya kikento mpe tulaka yawu na kati

ya kantini na lweka ya kikento. Na nswalu nionso yawu yelaka nionso tii na mazulu.

¹¹ Mpe Yandi tubaka, “Tanda maboko ya nge mpe buka mbuma ya yawu.” Mpe na kati ya diboko mosi kubwaka pomme ya nene ya jaune, ya kulemba mpe kutela. Mpe na kati ya diboko yankaka kubwaka mbuma ya nene ya prune ya jaune, ya kulemba mpe ya kutela. Mpe Yandi tubaka, “Dia mbuma yina, samu ya kele kitoko.” Mpe mu kudiaka mosi na yankaka, ya vwandaka kitoko mingi. Beno zaba vision yango, ya kele ya kusonika na kati ya mosi ya babuku, mu banza, *Disolo Ya Luzingu Ya Munu*, to *Profete Me Kwenda Kutala Afrika*.

¹² Mpe kaka kuna mu telemisaka maboko ya munu, mpe mu vwandaka boka nkembo ya Nzambi. Mpe na mbala mosi, Dikunzi yango ya Tiya kulumukaka na zulu ya bayinti yango, mpe makelele ya nzasi mpe bansemo vwandaka sema, mpe mupepe vwandaka bula ngolo mingi, mpe matiti bandaka na kubula na bayinti. Mpe mu talaka na yisi, awa vwandaka ya kutelama mutindu ya tabernacle yayi, mutindu ya ke vwandaka ntangu yayi. Mpe na nsuka kisika chaire ke vwanda, ya vwandaka na bayinti tatu, mpe bayinti yango tatu bakaka kifwanisu ya bakulunsi tatu. Mpe mu monaka ti ba-prune yina mpe ba-pomme vwandaka ya kuvukisa na binkuku na kati-kati pene-pene ya kulunsi. Mpe mu kimaka mbangu mingi, na kubokaka na ndinga ya munu ya ngolo, mpe yandi kubwaka na zulu ya kulunsi yayi, to na kulunsi, mpe yandi losaka maboko ya munu na zulu ya yawu. Mpe mipepe bandaka na kuningisa, mpe mbuma kuna na kulunsi, mpe yawu vwandaka kubwa na zulu ya munu. Mpe mu vwandaka na kiese mingi, mu vwandaka sepela kaka. Mpe Yandi tubaka, “Nge kudya mbuma ya yawu, samu ya kele kitoko.”

¹³ Mpe na yina selekele yayi ya Tiya bokilaka, tubaka, “Kuyonzika me kukula, mpe bisadi kele fioti.” Mpe Yandi tubaka, “Ntangu yayi, ntangu nge ke vutuka diaka na nge mosi, to nge ke basika na yayi, nge ke tanga Timothée ya Zole kapu ya 4. Timothée ya Zole kapu ya 4.” Mpe na yina mu vutukaka na munu mosi. Mpe mu bikanaka ya kutelema kuna na kunikaka kizizi ya munu mpe maboko ya munu. Mpe kaka kuna, na nsongi ya kivinga, mwini vwandaka sema na zulu, na yina mu zolaka vwanda na yisi ya vision na ngunga mosi to kulutula, mpe Yawu tubaka, “Timothée ya Zole kapu ya 4.” Mpe mu tandaka diboko na nswalu samu na Biblia ya munu, mpe mu tangaka Timothée ya Zole kapu ya 4.

¹⁴ Ntangu yayi, mu zola kutanga yawu ntangu yayi. Mpe mutindu ya ke monana ya ngitukulu, mutindu mu tangaka Timothée ya Zole yayi kapu ya 4, kisika yina mu telemaka, mpe bambala mingi mu me longaka yawu awa na tabernacle yayi, ya ke monana ya ngitukulu ti mu ke sukisa ntangu nionso. Ntangu

yayi na Timothée ya Zole kapu ya 4, banzila tanu ya ntete. Na yina, *tanu* kele lutangu ya “lemvo.” Mu tangaka yayi.

Mu ke tuma nge . . . na ntuala ya Nzambi, mpe Mfumu Yesu Klisto, yina ke sambisa bantu ya moyo mpe bantu ya kufwa na kumonika ya yandi mpe kimfumu ya yandi;

Longa ndinga; sikisa na ntangu ya mbote, mpe na nsungi ya mbote; sungika, semba, dodokila na mvibudulu nionso mpe na kulongaka.

Samu ntangu ke kwisa yina bantu ke zola diaka ve na kuwa Malongi ya kieleka; kasi ya ke kwisa ntangu yina bantu ke vibidila dyaka ve malongi ya santu . . . ba ke sosa bawu mosi milongisi, na kuvwandaka na mukusa na makutu;

Mpe ba ke katula makutu ya bawu na kieleka, mpe ba ke balula bawu na mambu ya luvunu.

Kasi tala mbote na bima nionso, vibidila bampasi, mpe sala kisalu ya évangéliste, mpe sala mbote ministere ya nge.

¹⁵ Beno me bakulaka yawu ntete ve, mpe mu me talaka yawu ntete ve tii na Ngonda yayi ya tanu ya nsuka, Mu me tangaka ntete ve ya kulutila na Masonuku yina tii kuna? Yawu yina kaka mu me tangaka samu na yawu samu yawu monanaka ti yawu—yawu vwandaka ya kulunga, samu ti ya vwandaka tuba na munu na kulonga Ndinga mpe kuvibidila bampasi, kuvwanda na mvibudulu, samu ntangu vwandaka kwisa ntangu ba ke vibidila ve muningu ya Malongi, kasi landila bansatu ya bawu ba ke kutika milongisi, na kuvwandaka na mukusa na makutu, mpe ba ke yambula Kieleka samu na mambu ya luvunu. Kasi, ntangu yayi, Yandi tubaka ata fioti ve ti mu vwandaka évangéliste. Yandi tubaka, “Sala kisalu ya évangéliste.” Paul tubaka na Timothée, beno me mona. Beno me bakula yinki mutindu ya me tuba? Yandi tubaka ve, “Ntangu yayi, ba bokilaka beno na kuvwanda evanzeliste.” Yawu tubaka, “Sala kisalu ya évangéliste.” Beno me mona? Ntangu yayi, beto ke tala kuna. Ntangu yayi, kana mu lendaka tuba na ntima ya munu ya muvimba mpe landila luzabu ya munu ya kulutila, yina me lunga na muvimba. Kaka kieleka. Mpe ya kele bamvula makumi tatu me luta.

¹⁶ Mpe na yina mu zaba, ti konso vision yina Yandi pesaka munu me lungisama, katula kaka mosi yina mu fwana kuzwa nsobolo na ministele ya munu, na kisika wapi mu fwana kusambila samu na bantu na mwa kisika mosi mutindu mwa kivinga mosi na yisi ya tenta, to kivinga mosi ya nene to kima mosi. Ya monanaka, samu na munu, mutindu tenta. Beno ke bambuka moyo na yawu, bamvula zole to tatu me luta? Mingi ya yawu salamaka. Mu zolaka kwenda na Mexique, mpe wapi mutindu mvula fwana noka na nkokila yina mpe yina fwana

salama kuna. Mpe Yandi tubaka na munu ministere ya munu ya Kubenda ya Ntete. Beno bambuka moyo samu na kukanga mwa bambisi ya fioti, to kukondwa yawu? Ya zole vwandaka mbisi ya fioti. Kasi na yina Yandi tubaka na munu, “Na Kubenda ya Tatu, beno kondwa ve. Beno me mona? Mpe beno tuba ve na bantu.” Mu ke mekaka ntangu nionso na kutendula yina mu ke meka na kusala. Yandi bikaka mu zaba ve kutuba na bantu yina beno ke sala. Sala kaka yina Yandi ke tuba na munu na kusala mpe kubika yawu swi. Beno me mona?

¹⁷ Kasi mu kele mutindu ya muntu yina, mu kele na mansweki ve, na yina mu ke tuba kaka bima nionso mu zaba. Na yawu, ya kele—ya kele kaka kuvukisa, mu banza. Kasi yina, mu ke meka. . . Mu ke zolaka bantu, mpe mu ke zola ti bantu kuzwa mpulusu kulutila yimbi tii mu ke meka na kutuba na bawu nyonso yina mu zaba, kana ti ya kele kima yina Yandi tubaka na munu na kutuba ve, kieleka, samu ti bawu kondwa yawu ve. Beno me mona? Mu zola bawu kumona yawu pene-pene mingi ti ya ke vwanda ve na kifu na kati ya yawu.

¹⁸ Ntangu yayi, yina salamaka kaka kieleka. Ntangu yayi beno bambuka moyo, kizitu vwandaka, kana beto ke longuka yawu na mwa ntangu fioti, “Mu ke tuma nge na ntwala ya Nzambi, mpe Mfumu Yesu Klisto, Yina ke sambisa bantu ya moyo mpe bantu ya kufwa na kumonika ya Yandi na Kimfumu ya Yandi.” Beno me mona? “Sambisa. . . Mu ke tumisa nge na ntwala ya Nzambi, mpe Klisto, ti nge—ti nge longa Ndinga.” Mpe na yina sadisa munu, tii na nkokila yayi, na mutindu mu ke na luzabu ya munu nionso, Mu me longaka ata fioti ve kima mosi kasi Ndinga, beno me mona, mpe mu me bikana kaka na Yawu. Ya vwandaka na bampasi mingi, mpe mu lutaka na kati ya bankwamusu mingi mpe bakumekama mingi, zolaka kukabwana na bankundi mingi ya ntalu samu na nsamunu yina ya kieleka, “Longa Ndinga.” Mpe mu—mu fwana. . .

¹⁹ Beno ke bambuka moyo na vision, to, mwa nsobolo yina mu lendaka bokila yawu, ntama mingi ve, kisika ba bakaka munu mpe monaka bantu yango mpe talaka munu mosi mpe mafuku yango nyonso kuna. Mpe mu tubaka, “Mu zola kumona Yesu.”

Mpe Yandi tubaka, “Yandi kele na zulu mingi.”

²⁰ Mbote, beno me mona, ntangu bantu ke kufwa, bawu—bawu ke kwenda ve mbala mosi na ntwala na Nzambi. Ntangu yayi, beno, mu ke ndima ti beno ke bakula yawu. Mu banza ti mu fwana tendula yawu na mutindu ya kulutila mbote yina mu lenda sala. Beno kele na kati ya mbangu kuna? Beto baka ntangu ya beto kuna mpe—mpe—mpe beto meka na kusala yawu kaka pwelele mutindu mu lendaka.

²¹ Ntangu yayi, ntangu beto ke kwisa, beto ke bambuka moyo ti beto ke zinga awa na bitezo tatu. Mpe mu zaba ve kana mu lenda tanguna nkumbu ya bawu to ve. Mosi ya bawu kele nsemo,

mpe yankaka kele matiere. Tommy, nge ke bambuka moyo na yina ya tatu kele? [Muntu mosi me tuba kima mosi—Mu.] Huh? [“Atome.”] Atome? [Muntu yankaka me tuba, “Ntangu.”] Ntangu. Kieleka. Ntangu yayi, nsemo, matiere, mpe ntangu. Mpe ba-sens ya beto tanu ke kutana na bitezo yayi. Meso ya beto ke kutanaka na nsemo, kusimba ya beto ke kutanaka na nsimbilu, mpe nionso yina.

²² Ntangu yayi, kasi beto me kutana na nzila ya science, kitezo ya yiya, mutindu ya vwandaka. Samu ti bizizi ke na kulutaka na kati ya kivinga yayi kaka na ntangu yayi, bandinga ya radio, bizizi na televizyo, ti ba-sense ya beto ke kutanaka na yawu ve, kasi na nzila ya tube mosi to dispositif ya crystal ba ke na lenda ya kukanga bitembo mpe kutalisa yawu. Na yawu, beno me mona, kaka na kati ya kivinga yayi ya nene yayi ntangu yayi ke zinga bisalu ya bantu, na kati ya mupepe, ke zinga bandinga. Bawu kele awa. Beto zaba yawu. Bawu kele ya kieleka. Mpe kima kaka beno ke sala, bawu—bawu ke simba yawu. . . Mu ke bakula ve mekaniki ya—ya bima yina science me sala, kasi beto zaba ti ya ke lakisa beto ti ya kele na kitezo ya yiya.

²³ Ntangu yayi, kitezo ya tanu kele kisika musumuki, muntu ya kukondwa lukwikilu ke kufwaka mpe ke kwendaka. Kitezo ya tanu kele, mutindu ya, mbote, kitezo ya boma. Ntangu yayi muntu yayi. . .

Mpe ntangu Muklisto ke kufwa, yandi ke kwenda na kitezo ya sambanu.

Mpe Nzambi kele na kitezo ya sambwadi.

²⁴ Ntangu yayi na yina, beno me mona, Muklisto ntangu yandi ke kufwa, yandi ke kwenda na yisi ya autel ya Nzambi, mbala mosi na Mvwandulu ya Nzambi, na yisi ya autel. Mpe yandi kele na kupema.

²⁵ Samu na kubuka yawu, ntangu muntu kele na ndosi ya boma, yandi kele ya kulala ve, to yandi kele ve ya kuvumbuka. Yandi kele kati-kati ya kulala mpe kuvumbuka, mpe ya kele yina ke salaka yandi kuzwa kuningana ya ngolo mpe ke boka, samu ti yandi kele ya kulala ve, yandi kele ve ya kuvumbuka. Mpe samu na kubuka yawu, ya ke lakisa kisika muntu ke kwenda ntangu yandi ke kufwa yina me ndimaka. Yandi me zinga ntangu ya yandi, yandi me kufwa na zulu ya ntoto; mpe yandi lenda kota ve na Mvwandulu ya Nzambi, samu ti yandi kele ve ya kulunga na kukwenda kuna kukondwa Menga. Mpe ba me simba yandi. Mpe yandi lenda vutuka ve na ntoto, samu ti ntangu ya yandi me manisa awa na zulu ya ntoto, mpe ba me simba yandi na kati-kati, mpe yandi kele na kati ya ndosi ya boma. Beno me mona? Yandi lenda kwenda ve na Mvwandulu ya Nzambi, samu na kupema. Mpe yandi lenda vutuka ve, kwizaka na ntoto, samu ti ntangu ya yandi me kuma na nsuka. Yandi kele na kati ya ndosi

ya boma, mpe kuna yandi ke vwanda tii kilumbu ya lufundusu. Ya ke vwanda kima mosi ya boma, beno me mona.

²⁶ Mpe ntangu yayi na vision yayi, mu banza ti ba nataka munu na kitezo yina ya sambanu, na kutalaka na manima awa mpe mu lendaka kutala na manima. Beno me mona, kumona kele ve kieleka na meso, ya kele ya ntoto. Kasi kumona kele kima ya kulutila nene na . . . Kumona yina ba ke na yawu kuna, kukutana ya bawu kele ntama mingi na zulu kulutila ba-sens ya beto ya kimuntu lendaka kutana na yawu.

²⁷ Awa ntama mingi ve mu vwandaka tendula yawu. Mu vwandaka tala film na televizyo kisika ba kulumusaka bakala mosi, mu banza bametele mafunda tatu to funda mosi na bankama tanu na mudindu na kati ya mubu, mpe ya vwandaka basisa minzenzi ya nsemo. Ba vwandaka talisa luzingu ya mubu. Mpe kuna kwizaka mbisi, bivangu yayi ya boma na kutala. Ti, kuna na kati-kati ya kele mpimpa, mutindu ntinta ya ndombe. Mpe mbombo ya bawu vwandaka na phosphore mpe ba vwandaka ve na meso. Ntangu yayi, ba fwana kudya bawu, na yawu ya monanaka mutindu, samu na kuzwa madia ya bawu, ba vwandaka ya kutwadisa na sense yankaka; kumona ve, samu ti bawu vwandaka ve na meso, bawu zolaka sadila yawu ve kuna. Kasi bawu vwandaka ya kutwadisa na sense yankaka ti bawu lendaka kutana na madia ya bawu. Mpe mu banzaka, “Kana mu lendaka yala mwa mbisi yina na meso ya munu, wapi mutindu mu lendaka pesa madia na yandi mpe kutwadisa yandi na bisika, wapi mutindu kumona ya munu kele nene mingi kulutila radar ya yandi.” Beno me mona? Mpe mu banzaka, “Kana mu lendaka twadisa yandi!”

²⁸ Na yina ya kwizaka na munu, “Kana mu lendaka kaka kukipesa munu mosi na Nzambi, wapi mutindu ya kulutila nene kele kumona mpe ba-sense ya Nzambi, Nani lendaka twadisa beto kulutila bima yina beto ke mona, samu lukwikilu yina Yandi ke pesaka beto kele nzikisa ya bima yina ke monanaka ve na meso ya beto.” Na yina kana mwa mbisi yina lendaka kwisa ata fioti ve na zulu ya masa mutindu mbisi yankaka, samu yandi kele na mupepe ya mupepe. Beno ke matisa yandi, yandi ke panzana. Kulutila ve beto lenda mata na zulu mingi mpe kukondwa kupanzana. Beto kele ya kufuluka na mupepe samu na kisika yina beto ke zinga.

²⁹ Kasi ntangu yayi kana mwa mbisi yina lendaka kumata awa mpe kuvwanda munu, yandi ke zola diaka kuvwanda mwa mbisi yina kuna na kati-kati ya mpimpa? Yandi ke zola diaka ve kuvwanda mbisi, samu yandi kele kima ya kulutila nene na mbisi, yandi kele muntu; ba-sense ya yandi kele nene mingi, lubakusu ya yandi kele nene mingi, mayele ya yandi kele nene mingi. Na yina beno fwokula yawu mafuku kumi, na yina beno ke kuzwa yina ya kele ntangu beno ke luta na yayi na Mvwandulu ya Nzambi kuna, kisika muntu kele ntama mingi

kulutila yina beto kele awa. Beno ke zola diaka ve kuvwanda muntu mutindu yayi, kuna na yinzo yayi ya bambevo mpe ya kubeba. Ya vwandaka ti na kati ya ntima ya munu, ti mu me meka bamvula makumi tatu yayi na kulonga Nsangu ya mbote na yinza ya muvimba, samu na kutuba na bantu ti ya kele na Mazulu samu—samu na kuzwa mpe ya kele na difelo ya kutina, mpe ya kele na Nzambi yina ke zolaka beno, mpe ngolo ya mpulusu yina kele ya kuyilama na kubaka beno na ntangu nyonso yina beno me kubama na kuzwa yawu.

³⁰ Ya ke mutindu mosi na bakala mosi ke na kudinda na masa, na yina ya kele na nsinga mosi ke na kudiembela kuna, yandi ke banza, “Mbote, na nsinga yayi, mu lendaka basika munu mosi, kasi mu kele ve ya kulunga na kusimba nsinga.” Ba tulaka nsinga yina kuna samu na lukanu yina, samu beno basika beno mosi. Ya kele samu na yina Yesu Klisto kufwaka, samu na lukanu ya kieleka ya kuvulusa misumuki. Mpe Yandi me tula nsinga ya Luzingu ya Kukonda nsuka, yina na nkokila yayi ke luta na zulu ya yintu ya nsumuki nionso na kati awa, mpe kidimbu ya kuyamba na zulu ya yawu, “Beno basika na yawu.” Kana—kana beno—kana beno zola kusala yawu, kukubama me salama.

³¹ Ntangu yayi, ntangu mu monaka kisika yina mpe konditsyo yina bantu yina vwandaka kuna, mpe wapi mutindu na zulu ya nyonso yina yinza yayi lendaka banza, ya vwandaka nkembo. Ya lendaka vwanda ve na disumu kuna, ata lufwa to kima mosi ve lendaka kota na kisika yina. Mpe ya vwandaka ve na luswaswanu na kati-kati ya bakala mpe bakento, kaka baglande ya sexe katukaka na bawu, mpe ya lendaka vwanda dyaka ve na pité, kima mosi ve. Kasi kento vwandaka kaka na kifwani ya kento, mpe bakala vwandaka kaka na kifwani ya bakala, mpe bawu ke vwanda ntangu nyonso mutindu yina. Samu ti ntangu Nzambi . . .

³² Ntangu yayi yayi lendaka vwanda mbote, bayankaka na kati ya beno bana ya lukolo ya bambuta yina ba ke kotisaka na kati ya beno buzoba yayi samu na yina me tala kusoba. Ntangu yayi, mu ke kwikilaka na kusoba, kasi ya kele ve na mutindu ti muntu sobaka na—na mwa kima mosi ya yisi. Malongi ya bawu mosi ke vutukaka na zulu ya bawu ntangu bawu ke meka na kuvukisa kima mosi, ya ke butaka ve yawu mosi. Na yawu, beno me mona, ya—ya me vutukila bawu.

³³ Ntangu yayi, mu ke kwikila ti ntangu Nzambi bandaka na kubula ntoto, mu banza ti kima ya ntete Yandi basisaka vwandaka méduse, mpe katuka na yina tii na zundu, mpe nionso yina. Kasi, beno me mona, ya ke vwandaka ntangu nionso pene-pene mingi mpe pene-pene na kifwani ya muntu, mpe muntu vwandaka kifwani ya Nzambi. Mpe ya kele samu na yina ti matiti sobaka, mu banza matiti, mpe na manima ya matiti kwisaka bafololo, na manima ya bafololo kwisaka mwa bayinti, na manima ya bayinti kwisaka yinti. Samu na yinki? Ya kele foto

ya Yinti ya Luzingu yina kele na lweka yankaka. Mpe nyonso na lweka yayi yina kele ya kimuntu kele kivudi ya Kimpeve to ya Kukonda nsuka na lweka yankaka. Na yina, ntangu nyonso yina ya kele na Muklisto yina me butuka mbala zole na zulu ya ntoto, mpe beto kele na nzutu awa mutindu yayi, ya kele kifwani ya kieleka ya mosi yina ke na kuingila na lweka yankaka kisika lufwa kele ve mpe mawa. Mpe ya kele yina ke salaka bantima ya beto kuvwanda na nsatu ya mutindu yina. Beno me mona, ya kele na kima mosi na kati ya beto yina ke bokilaka na kubasika. Beto kaka . . . Ya kele na kima yina ke tubaka na beto ti ya kele kuna. Mu ke kwikila na nzila ya bamvula yayi. . . Mu ke lomba pardo na ntuala ya Nzambi mpe bantu, na kuvwandaka zoba mpe kuvwanda. . . na kusalaka bifu mingi. Kasi na kati ya bamvula mingi yayi mu kuzwaka bweso ya kumona mafuku mingi ya bantu kukwiza na Kimfumu ya Nzambi, mpe mu me vutula matondo na Mfumu na kubika mu twadisa bawu kuna. Mpe mu ke kwikila ti ba ke vwanda kuna na kilumbu yina.

³⁴ Ntangu yayi, vision yango lungisamaka. Mpe wapi mutindu mu ke telama ntangu nyonso, kukondwa kuzaba, na zulu ya nzila ya 5. Ya kele nyonso yina mu me tangaka. Kasi ya kele dyaka na bayankaka na kapu yango, banzila mingi dyaka. Ntangu yayi, beno lenda, na kivinga ya beno ya hotel to na yinzo na nkokila yayi, kaka na ntangu beto ke manisa, beno tanga yina yankaka, samu ti mu kele na Masonuku mingi ya kusonika awa yina mu zola kutala, mpe banoti yina mu zola kuzonzila. Mpe mu zola ti beno tanga yawu ntangu beno ke vutuka na yinzo. Mu ke tanga yawu, ya ke vwanda na bande. Beno zola kusonika ndambu ya yawu, mbote, ya ke vwanda mbote mingi.

³⁵ Ntangu yayi, beno ke kwikila ti babakala mpe bakento, yina mu zaba ti beno ke sala, kele ya kutwadisa na Mpeve ya Nzambi na kusala bima? Beno me mona? Mpe Yesu vwandaka kifwani ya beto. Kana beno tala yawu, mu zola kubaka, beno baka na munu, na Santu Luc, kapu 4, kaka minuti. Mpe mu zola kulakisa beno kima mosi ke na kubulaka. Mpe beto ke zonzila mingi ve masonuku yayi, kasi ti beno lenda tanga na munu awa, samu na yayi, samu na mwa ntangu fioti. Santu Luc, kapu 4 mpe nzila ya 14, beto me banda. Ntangu yayi beno tala mbote-mbote awa kana beno zola kumona kima kusalama, ya kufwananaka na yayi. Ntangu yayi beno tala.

*Mpe Yesu vutukaka na ngolo ya Mpeve na Galilée: . . .
Yandi vutukaka na ngolo ya Mpeve na Galilée: mpe
nsangu ya yandi panzanaka na bizungu nyonso yina.*

*Mpe yandi longaka na ba-synagogue ya bawu, bantu
nyonso vwandaka kembisa yandi.*

*Mpe yandi kwisaka na Nazareth, kisika yandi kulaka:
mpe, mutindu vwandaka kifwani ya yandi, yandi kotaka na*

synagogue na kilumbu ya saba, mpe telamaka samu na kutanga.

Mpe ba pesaka na yandi buku ya profete Esaie. Mpe ntangu yandi zibulaka buku, yandi monaka kisika yina ya kele ya sonikaka, ba sonikaka yawu,

Mpeve ya Mfumu kele na zulu ya munu, samu ti yandi me pakula munu na kulonga nsangu ya mbote na bamputu; mpe yandi me fidisa munu samu na kubelusa bantu ya bantima ya mawa, mpe samu na kulonga luvukulu na bampika, mpe samu na kuzibula meso ya bampofo, mpe samu na kupesa kimpwanza na bantu yina ba ke nyokolaka.

Mpe samu na kulonga mvula ya bumbote ya Mfumu ya beto.

Mpe yandi kangaka buku, . . .

³⁶ Ntangu yayi, kana beno zola, kana beno zola disonuku samu na yawu, mu kele na yawu awa, kaka mwa ntangu fyoti, mu banza ti mu ke kuzwa yawu na banoti ya lweka awa. Kana beno ke bakula, ya kele mpe, beno ke tala yawu na Marc mpe bisika yankaka, kasi na Esaie 61:1 mpe 2. Ntangu yayi, ya kele ngitukulu ve ti Yandi telemaka kaka kuna, mpe nzila yina landaka. . . Ya vwandaka yina ba tulaka na nkwezulu ya Yandi ya ntete. Mpe nzila ya zole, yina ke landa, ke na kutalisaka na Nkwizulu ya Yandi ya Zole, na lusambusu. Yandi telemaka mpe kangaka buku. Kana mosi ya beno ke na kutangaka Biblia ya Scofield, beno ke kuzwa noti ya yisi na zulu ya yawu kuna. Beno me mona? Beno tala noti ya beno ya yisi, noti ya yisi, beno me mona, mpe beno ke mona kuna. “Kufwanikisa na nsangu yina ba me tuba, na Esaie 61:1 mpe 2, beto baka mutindu ya . . .” Kisika, Masonuku awa, ke longa, Yesu zolaka longa mvula ya lemvo ya Mfumu; mpe nzila yina ke landa ke basika na Nkwizulu ya Yandi mpe lufundusu. Beno me mona? Mpe beno me mona mutindu Yandi sukaka na yawu.

³⁷ Mpe mutindu mu talaka yawu ata fioti ve, mpe mutindu mu ke telemaka ntangu nionso na nzila yayi ya 5, “Samu ti ntangu ke kwiza ntangu bawu ke kuwa ve Malongi ya kieleka, kasi bawu ke sosa bawu mosi milongi, na kuvwandaka na mukusa na makutu, mpe bawu ke yambula Kieleka samu na mambu ya luvunu. Kasi sala kisalu ya évangéliste, sala mbote na ministere ya nge.” Beno me mona? Mpe na lusalusu ya Nzambi mpe lemvo mu me meka na kusala yawu. Mpe mu zola bankundi ya munu, bawu zole awa mpe kuna na bayinsi kisika ba-bande ke kwenda, ya kele samu na yina mu bakaka kisika samu na Ndinga, ya kele kieleka samu na yayi: “Longa Ndinga.” Ya kele samu na yina mu ke zola ve kuvukana na mosi ya ba-credo, na ba-denomination nionso, samu ti ba tumaka munu na Nzambi na kuvwanda na Ndinga.

Ntangu yayi kana muntu yankaka zola kusala kima yankaka, yina me tala bawu.

³⁸ Mpe kana beno tala, na vision yina mu kuzwaka ya k-u . . . ministere ya munu, ya vwandaka mu me sabukaka bayinti yina ata fioti ve. Mu me lebaka bantu ata fioti ve. Mu me tubaka ata fioti ve, “Benoni nionso ba-trinitaire beno vwanda ba-unitaire” to “benoni nionso ba-unitaire beno vwanda ba-trinitaire.” Mu me kuna na ba-vaze ya bawu mosi. Kaka kieleka. Mu kwendaka na ba-trinitaire, mu kwendaka na ba-unitaire, mu kwendaka na bantu nionso, mpe mu bikanaka na kati-kati mpe mu kotaka ata fioti ve na mosi ya bawu; kasi mu vwandaka na kati-kati, na kuvwandaka mpangi-bakala, kaka kieleka yina vision yina tubaka na kusala. Mpe mu me kudya mbuma na balweka nyonso zole, mpulusu na balweka nyonso zole.

³⁹ Mpe ntangu yayi, beno me tala, ya kele na bantu mingi ya butatu yina kele ya kuvwanda awa, ya kele na ba-unitaire mingi, mpe ya kele na mingi ya luswaswanu. Kasi wapi mutindu beno ke sala mwa kuswana samu na yawu, samu ti kana kitini yina ya vision vwandaka kieleka, kitini yankaka kele kieleka, mpe. Bambuma nyonso zole ba monaka na kulunsi. Benoni mona? Bawu zole vwandaka na kati ya kulunsi, binkuku nionso vwandaka ya kuvukana kintwadi, mpe nionso zole ba-prune mpe ba-poire, to ba-pêche, ba-prune mpe ba-pomme vwandaka noka na zulu ya munu kuna. Nionso zole ya bawu. Bawu nionso monaka na kulunsi, samu bawu nionso kwikilaka na Nzambi mpe bawu me fuluka na Mpeve-Santu, mpe ke sala bisalu ya Muklisto mpe bidimbu ke landa.

⁴⁰ Ntangu yayi, denomination ke vwanda ve na kima ya kusala na yawu. Ya ke vwanda kubutuka mbala zole yina ke vwanda na kima ya kusala na yawu. Ya ke vwanda nzingulu ya beno na Nzambi yina fwana sala na yawu. Ntangu yayi, beto ke mona mingi ya yawu. Mu kele na Masonuku mingi awa yina mu ke zola kuzonzila. Mu banza ti mu ke baka mwa ntangu fyoti na ntwala.

⁴¹ Kasi ntangu yayi mu zola baka beno na nzila ya 5, tii na nzila ya 18. Mpe ntangu yayi samu na kuvulusa ntangu, mu—mu ke tanga yawu ve. Kasi ntangu yayi Paul, na kubandaka dyaka awa na Timothée, kana beno tala mutindu yandi bandaka na kuzonza, ya kele kyadi. Ntangu yayi kana beno tala na manima ya nzila ya 5.

Samu mu me kubama samu na kupesama, ntangu ya munu ya . . . kukwenda me kuma pene-pene.

Mu ke na kukubama na kukwenda. Mu ke banda, beno me mona, “Mu fwana . . .” Mbote, beno tala mbote. “Ya munu . . .”

. . . Mu me kubama, mpe kukwenda ya munu me kuma pene-pene.

Mu me nwana bitumba ya mbote, mu me manisa lukanu ya munu, mu me kangaka lukwikilu:

Kubanda ntangu yayi ba me bumba samu na munu yimpu ya ludedomo, yina Mfumu, zuzi ya kusungama, ke pesa munu na kilumbu yina: mpe munu kaka ve, kasi . . . bawu nyonso mpe bayina ke zolaka kumonika ya yandi.

⁴² Mpe na yina yandi ke kwenda na ntwala samu na kutuba, “Sala bima yayi nionso, sala.” Yinki? Samu yandi kunata kazaka. Ntangu yayi beto ke banda kaka, mpe yandi ke tuba:

. . . *Demas me bika munu, . . .*

⁴³ Ya fwana vwanda na ntangu mosi na ministere ya yandi ntangu yandi vwandaka evangeliste ya ntwenia, profete mosi ya ntwenia, muntu nionso vwandaka samu na yandi. Kasi ntangu yayi beno tala awa, yandi tubaka:

. . . *bantu nionso me yambula munu: . . .* (Samu na yinki? Ndinga.)

⁴⁴ Ntangu Yesu, Profete ya ntwenya ya Galilée, ba basisaka Yandi. Bantu nionso yina ke bikala na Ndinga ya Nzambi ke kuma na kisika yina ba me yambula bawu na yinza mpe na yinza ya nsambulu. Yesu disaka mafunda tanu, kilumbu mosi, mpe bawu lokotaka bitunga ya kufuluka na—na mwa mampa tanu mpe bambisi zole. Mpe kilumbu yina landaka, mu banza ya vwandaka, Yandi bandaka na kukulumuka na Ndinga, mpe bawu nionso bandaka na kukwenda ntama na Yandi. Mpe Yandi talaka pene-pene ya bilandi, mpe tubaka, “Nge zola kwenda, mpe?” Ata mpe makumi sambwadi ya milongi ya Yandi Mosi bikaka Yandi. Mpe Yandi tubaka, “Benoni zola kwenda, mpe?”

⁴⁵ Mpe na yina Pierre tubaka bampova yina ya mfunu, na kutubaka, “Mfumu, wapi kisika beto ke kwenda? Nge kele kaka na Luzingu ya Kukonda nsuka.”

⁴⁶ Benoni tala. Kasi ntangu ke kwisa ntangu ntangu ya kuyambula ke kwisa, mpe ya—ya fwana kwisa. Ya fwana kwisa. Mpe ntangu yayi mu kele na baprofete mingi mpe nyonso na kati awa yina ke tala, samu na kulakisa benoni ntangu yango kwizaka. Mpe ya me kuma samu na munu. Mu ke na nsatu ya kumeka ve na kukatula yawu, ya kele awa mpe benoni fwana kaka kubaka yawu. Ba vwandaka katula yawu ve, ba vwandaka ya kutelama mpe vwandaka baka yawu, mpe ba vwandaka ve na nsoni ya Nsangu ya mbote.

⁴⁷ Benoni tala Paul, “Mu me nwana bitumba ya mbote. Mu me manisa lukanu ya munu. Mu me kangama na Lukwikilu.” Oh, la la! Na yisi awa ya me tuba, “Mu me nwana na bibulu. Mpe mu—mu vulukaka na yinwa ya nkosi.” Mpe bima yina yandi kwendaka, Nzambi vwandaka mbote samu na yandi. Kasi ntangu kwisaka ntangu yandi zolaka kwenda.

⁴⁸ Ntangu yayi, beto kukiyufula kaka, samu na yinki bakala mosi, longi mosi, yina ke vukana mutindu Demas vwandaka na Paul, ke bika Paul?

49 Beno zaba Mpangi Baxter, mingi ya beno ke bambuka moyo na yandi. Yandi vwanza tangaka. . . Ya vwanza samu na Demas. Yandi tubaka, “Nge zaba yina mu ke sala, Mpangi Branham, ntangu mu ke kuma na Mazulu, kima ya ntete mu ke sala?”

Mpe mu tubaka, “Yinki?”

50 Yandi tubaka, “Mu kuma pene-pene kaka mpe ke mona kisika Demas kele, mu ke tuta yandi dikofi mosi kaka na ngolo nionso mu lunga.” Mpe yandi tubaka, “Yandi ke baluka mpe ke tuba, ‘Baxter, yinki nge ke sala yawu?’” Yandi tubaka, “Samu na yinki nge me bika mwa Paul ya mawa ntangu bantu nionso me yambula yandi?” Mu ke tuma ve na kusala yawu, mu ke kwikila ve ti bawu ke kunwana kuna, kasi mu banzaka kaka na Mpangi Baxter tubaka yawu samu ti yandi kuwaka mawa mingi samu na Paul.

51 Mbote, yinki Paul salaka? Yandi longaka kaka ya kukwikama mutindu yandi lendaka, mpe Mpeve-Santu vwanza na zulu ya yandi. Mpe ntangu yandi sonikaka kuna pene ya mama yango milongi mpe nionso yina, mu banza ti ya vwanza na kupasuka ya nene. Yandi tubaka, “Bika ti bakento kuvwanda swi na mabuundu, kupesa bawu muswa ya kuzonza ve,” mpe yandi na boloko kaka kuna.

52 Beno lenda banza yina ba-évêque yango tubaka? “Huh! Muntu yina kuna na boloko, yinki mambu yandi sonikaka awa na beto? Beno me mona? Mpe yandi kele na Timothée, yina ke kunwaka malafu, na yandi. Mpe na yawu awa yandi kele na zulu kuna ntangu yayi, ti yandi ke na kupesa madia na Timothée na malafu, mpe awa yandi kele ya kulala na boloko, mpe ke sonika, ke tuba na beto yina Mpeve-Santu fwana tuba na beto na kusala.”

53 Kasi yandi tubaka, “Kana. . . Yinki? Ndinga ya Nzambi basikaka na kati ya beno, mpe Yawu kwizaka kaka na beno? Kana muntu mosi ke banza ti yandi kele ya kimpeve to profete, ti yandi zaba ti yina mu ke sonika kele Misiku ya Mfumu.” Beno me mona?

54 Beno me mona, ntangu ke kwisa, bankundi. Mpe mu zola bantu yina kele na yinsi yina ba-bande ke kwenda, samu na kubambuka moyo ti ntangu ya kukabwana fwana kwisa. Ya fwana sala yawu. Mu zaba ve wapi mutindu ntama mu me katuka na ntangu ya nsuka, nsuka ya munu ya nzila. Mu zaba ve. Yina me tala Nzambi. Mu zaba ve yinki mbasi kele, mpe nani. . . Mu zaba ve yina yawu ke simba, kasi mu zaba ti Nani ke simba yawu. Na yina ya kele kisika ba me tunga lukwikilu ya munu, na zulu ya yawu.

55 Ntangu yayi, mu banza ti Demas yambulaka yandi ve mpe samu na kukwenda na banganda ya mpimpa. Mu ke banza ve ti Demas salaka yawu, samu Demas vwanza muntu ya kufuluka

na Mpeve. Yandi vwandaka kisadisi ya nene. Kana beno me kuzwaka ntete disolo ya Demas, yandi vwandaka mulongisi ya lukumu, bakala mosi ya kutemuka mingi, ya kulengula mingi, yina me longukaka. Yandi vwandaka muntu ya mayele mingi. Kasi samu na yinki yandi zolaka yambula Paul? Yawu yina. Yinki salaka yandi kusala yawu, kubika Paul? Mu ke kwikila ve ti yandi zolaka kukwenda na nganda ya malafu na mpimpa to kima mosi. Kasi mu ke kwikila ti ya vwandaka Nzambi yina vwandaka kabulaka Paul. Ntangu yayi mu ke banza ti Demas. . .

⁵⁶ Beto baka mwa mabanza ya Demas. Mutindu mu vwandaka ya kuvwanda na lweka ya mongo, mu vwandaka kukiyufula kilumbu yankaka yina, pene ya nsemo ya kilumbu, mpe mu vwandaka banza, “Samu na yinki Demas ke zola kubika muntu yina? Samu na yinki yandi ke bika mwa mulongi yina ya mputu yina twadisaka yandi na Mfumu, bakala yina vwandaka ntwadisi ya reveil na kati ya Bantu ya makanda, profete ya kulunga?” Muntu mosi ve lendaka tuba ti yandi vwandaka ve profete. Yandi vwandaka kulutila profete, yandi vwandaka ntumwa, mpe ntumwa ya nene mpe ya ngolo samu na Bantu ya makanda. Mpe Demas zolaka vukana na Paul, yandi vwandaka na mbundana, mpe yandi monaka Mpeve ya Nzambi ke kwisa na zulu ya muntu yina. Mpe samu na yinki yandi zolaka balula mukongo ya yandi na muntu ya mutindu yina, yandi siamisaka ti yandi vwandaka kisadi ya Klisto? Beno me bakula Paul awa, “Beni zola yinza yayi yina kele awa.” Ntangu yayi, mu banza ve ti Demas vutukaka na manima. Mu banza ve ti yandi salaka yawu. Kasi mu banza ti yandi—yandi kuzwaka dibanza ya yimbi ya Paul.

⁵⁷ Ntangu yayi, Demas basikaka na dibuta mosi ya mvwama mpe yandi vwandaka na bumvwama, mpe mbongo bantangu yankaka zola kutuba nsambulu samu na bantu. Mutindu bawu ke tubaka na Californie, “Kana beno kele ve na ba-Cadillac tatu, beno kele ve ya kimpeve.” Na yina ya zola kutuba, kana beno kele ve ya lunungu, kana beno kele ve na dibuundu ya kulutila kitoko yina kele na mbanza, bantu ke kwenda ve kuna. Ya ke vwandaka na kutala mutindu yina awa, Poogh. Beno, beno fwana vwanda na dibuundu ya kulutila kitoko na yinsi, to bawu ke tuba, “Nge, oh, nge zola kutuba ti nge me vukana na mwa nkonga ya fioti mutindu yina?”

⁵⁸ Beno zaba ti Mfumu ya beto vwandaka ve na kisika ya kutula yintu ya Yandi? Beno zaba ti Yandi vwandaka kaka na kazaka mosi? Beno me mona? Mpe Yandi vwandaka. . . Yandi vwandaka kaka mutindu ya muntu yina ba vwandaka kwamisa mingi. Mpe Yandi vwandaka ve na kisika ya kutula yintu ya Yandi. Kasi bawu zolaka banza kima mutindu mosi, mpe salaka, na yina me tala Yandi.

⁵⁹ Mpe, ntangu yayi, mu ke kwikila ti Demas monaka kubwa, na kutala, na ministele ya Paul. Mu banza ti yandi banzaka ti

kiboba yayi ba sukulaka yandi, na ntwala ya Nzambi. Ntangu yayi, yandi banzaka ti bantu yina ke katula meso ya bawu na kupesa na Paul. . .

⁶⁰ Ntangu yayi, Paul tubaka ti, yandi tubaka, “Beno fwana, na kutala, kukatula meso ya beno, samu na kupesa yawu na munu.” Samu ti, Paul, beto banza, vwandaka na meso ya yimbi, samu ti yandi tubaka, “Mu sonikaka na mikanda ya nene.” Yandi tubaka, “mukanda ya nene,” kasi mu kuzwaka lexique, mpe ya ke tuba, “na mikanda ya nene.” Yandi vwandaka na Rome, na kati ya boloko kuna. Ya vwandaka kima mosi ke tambula mbote ve, yandi tubaka ti meso ya yandi vwandaka kwamisa yandi kubanda vision ya Mazulu. Na yawu yandi. . . Bantu zolaka katula meso ya bawu, na kumonaka Paul kutala mpasi, meso ya yandi vwandaka kwamisa yandi, mpe yandi vwandaka bela. Mpe yandi lombaka Mfumu na kubelusa yandi, bambala tatu. Mpe yandi tubaka, “Kaka ti kana mu vwanda ya kuzanguka na zulu ya kufuluka ya Luzayikisu, kuna ba fidisaka yandi na munu munati-nsangu ya dyabulu ti yandi zolaka bula munu mbata.” Ntangu yayi, ya ke kuma mbote mingi, na manima ya ke bula yandi diaka. Na yina yandi ke kuma mbote, mpe yandi ke bula yandi diaka.

⁶¹ Beno me mona, Paul vwandaka na ministere ya kulutula nene na bantumwa nionso vukanaka kintwadi. Bayankaka na kati ya bawu lendaka tuba, “Mbote, mu tambulaka na Yesu.” Na yina, muntu na bala-bala vwandaka tambula na Yandi ntangu Yandi vwandaka awa. Kasi Paul monaka Yandi na kati ya Dikunzi ya Tiya na manima Yandi kufwaka, ba zikaka, zangukaka na Mazulu, mpe nutukaka mpe bokilaka Paul, beno me mona, beno me mona, na nzila kuna na Damas. Mpe yandi vwandaka na ministele ya kulutula nene na Matthieu, Marc, Luc, to mosi ya bawu yankaka. Yandi vwandaka ntama mingi na bawu. Mpe yandi tubaka, “Kaka kana mu me kukizangula ntangu yayi mpe mu tuba, ‘Ntangu yayi, beno bantu zaba kima mosi ve samu na Yawu. Mu monaka Mfumu *na manima* ya mvumbukulu ya Yandi.’”

⁶² Mbote, bawu ke tuba, “Beto tambulaka na Yandi.” Mbote, mutindu mosi bantu yayi nionso kuna na Galilée mpe Nazareth mpe na yinsi yina kuna. Bawu nionso tambulaka na Yandi.

⁶³ Kasi, beno me mona, Paul zonzaka na Yandi mpe monaka Yandi na mutindu yina Yandi vwandaka ntete Yandi kuma nsuni. Beno me mona? Mpe Yandi tumaka Paul na kitezo yina, na yina Yandi vwandaka na kati ya Nsemo yina. Yandi tumaka Paul. Mpe—mpe Paul monaka Yandi. Mpe yandi tubaka, “Kaka ti kana mu kukizangula, mu ke vwanda na mwa zulu mingi kulutula bayankaka na kati ya beno bampangi, ba me fidisa na munu munati-nsangu ya diabulu,” samu ti yandi kubula munu. Mpe yandi tubaka, “Mu sosaka Mfumu bambala tatu samu na kukatula yawu na munu. Mpe Yandi tubaka, ‘Saul, to Paul,

lemvo ya Munu kele ya kulunga.” Na yina Paul tubaka, “Mu ke vwanda na nkembo na kati ya bimbevo ya munu, samu ti ntangu mu kele ya kulemba na yina mu kele na ngolo. Beno me mona, mu ke kuzwa nkembo na kati ya yawu!”

⁶⁴ Ntangu yayi, beno me bakula? Ntangu yayi, muntu yina vwandaka na ministele ya kulutila nene na bayankaka nionso me bikana yina vwandaka na kilanga ya kusalu, Paul, ministele ya kulutila nene na bawu nyonso, yina monaka Yesu na kati ya Dikunzi ya Tiya, mpe tumaka yandi na kusala yina yandi salaka, mpe vwandaka ya kusiamisa na nzila ya Nzambi mosi, mpe Ngolo mosi, na bidimbu mpe mambu ya ngitukulu na zulu ya kyuvu nyonso; mpe yandi vwandaka mputu mingi ti yandi vwandaka kaka na kazaka mosi, yandi vwandaka longa nkonga ya bantu yina zolaka katula meso ya bawu, mpe bayankaka na kati ya bawu ba-millionnaire. Mpe kasi Paul vwandaka na kazaka mosi. Yandi tubaka, “Nata kazaka yina, madidi kele mingi awa.” Yandi vwandaka na kizunga ya mongo. Yandi vwandaka kaka na kazaka mosi.

⁶⁵ Mpe Demas, bakala yina vwandaka na ntelemanu ya zulu, muntu ya nene, ya kutemuka, ya kulonguka, mpe bakala ya mvwama yina vwandaka soba bilele mingi, “Muntu yango, vwandaka na kima mosi vwandaka tambula mbote ve na yandi. Yina vwandaka na bankundi mingi yina lendaka katula meso ya bawu samu na kupesa yandi yawu, mpe kasi yandi vwandaka mputu mingi ti yandi vwandaka na kazaka mosi. Kima vwandaka tambula mbote ve na Paul.”

⁶⁶ Oh, beno zaba, mpeve yina ke bikaka yinza ve, ba kele dyaka na yawu mutindu yina. Mbongo kele Nzambi ve. Ya kele kaka na Nzambi mosi. Beno me mona? Kasi bantu ke banzaka samu ti beno kele na ministere ya nene beno fwana sala nionso *yayi* mpe nionso *yayi*, mpe bima yayi nionso ya nene, mpe balukolo ya nene mpe ya nene *yayi-mpe-yina*. Nzambi ke salaka ve na kati ya bima yina. To, na kutala, yina vwandaka dibanza ya munu. Nzambi ke salaka na muntu mosi. Yandi tumaka beto ata fioti ve na kukwenda sala bima ya mutindu yina.

⁶⁷ Kasi Paul, na kazaka mosi, mpe yandi tubaka na Timothée awa samu na kunata yawu na yandi samu ti ya vwandaka madidi mingi kuna. Uh-huh. Muntu yina vwandaka na ministele ti Paul yina longaka na makumi ya mafunda yina, mpe ministere yina lendaka sala bimangu ya mutindu na mutindu, mpe monaka Yesu na kati ya Dikunzi ya Tiya, tumaka yandi, mpe kasi yandi vwandaka na kazaka mosi. Demas tubaka, “Bakala ya mutindu yina,” yandi lendaka yambula yandi.

⁶⁸ Ntangu yayi, ntangu yandi vwandaka na zulu awa ke na kulonga na lweka ya Troas, beto ke mona ti ya kele na muntu mosi na zulu kuna yina vwandaka kisadi-bisengo. Mpe yandi vwandaka muntu ya kukondwa luzitu. Mpe yandi yinaka

Buklisto. Mpe yandi salaka nyonso na Paul yina yandi zolaka sala na yandi, yandi losaka yandi na boloko, mpe konso- . . . ata mpe Paul ke kebisa Timothée ya kima mutindu mosi, “Beno tala mbote muntu yango.” Mpe beno tala Demas! O Nzambi, bika bantu kuwa yawu! Awa telemaka Demas yina vwandaka ya kutelema pene-pene ya bakala yina bulaka bakala mosi na kimpofo, samu yandi vwandaka swanisa yandi. Ntangu yayi, beno milongi ya Dibuundu ya Klisto, beno lwata kazaka ya beno ntangu yayi. Mu kuzwaka mosi kutuba na munu kilumbu mosi, yandi tubaka, “Fwa munu meso! Fwa munu meso! Nge kele na Mpeve-Santu, fwa munu meso.”

Mu tubaka, “Nge kele yimeni ya kufwa meso.” Beno me mona?

⁶⁹ Ntangu yayi, samu na yinki Paul kufwaka ve meso ya kisadi-bisengo? Mpeve ya mutindu mosi yina kele na zulu ya bantu yina ke banzaka yawu, kele kima mutindu mosi yina vwandaka na zulu ya Demas. Bakala yina lendaka kufwa meso ya bakala mosi, samu ya vwandaka swanisa na yandi, mpe na manima yandi ke bika kisadi ya bisengo kubebisa ministele ya yandi na kati ya mbanza. Kukondwa ntembe ti Demas tubaka, “Yandi, yandi me kumana, yandi me zimbisa makabu ya yandi nionso. Yandi me—yandi me zimbisa makabu ya yandi ya kufwa meso.”

⁷⁰ Beno ke mona ve mutindu mpeve yina ke zingaka dyaka, ke tuba, “Nge me kuma na nsuka ya kisalu ya nge, mpangi”? Oh! Ya—ya ke luta kaka na zulu ya yintu ya bantu. Ba ke bakula yawu ve, kaka yina. Beno me mona? Bawu lenda kaka ve kumona yawu. Beno me mona? Bawu ke bakula ve.

⁷¹ Ntangu yayi Demas . . . kufwaka ve muntu yina meso samu yandi zolaka sala yawu. Yesu tubaka ve, “Mu ke sala kima mosi ve tii kuna Tata ke lakisa Munu ntete”? Mu tubaka na beno ve bamvula me luta, na mama ya munu mosi vwandaka ya kulala, vwanda kufwa, mpe vwanda tuba, “Bill, yinki kele diambu ya munu?” Mu lendaka tuba kima mosi ve tii kuna Nzambi tubaka ntete. Mpe yawu yina salamaka. Muntu lenda ve, muntu kele ya kubwa na kubanda. Yandi kele kaka kisadi na yina Nzambi ke salaka, mpe Nzambi ke salaka luzolo ya Yandi Mosi. Kasi ntangu beno ke mona bantu ya ba-sensation yayi zulu mingi ya yina ke vwandaka ntangu nionso na *yayi* mpe *yina* mpe *yankaka*, beno ke sala mbote na kuvwanda ntama na yawu. Beno me mona? Yesu Yandi mosi salaka yawu ve. Yandi tubaka, “Mu ke salaka kaka mutindu Tata ke salaka. Yandi ke lakisa Munu yinki ya kusala mpe kuna mu ke kwenda sala yawu. Mu lenda sala yankaka ve . . . kima yankaka ve kulutila yina.”

⁷² Mpe awa Demas monaka Paul, muntu yina vwandaka na ministere ya mutindu yina, mpe kasi yandi vwandaka kaka mputu ti yandi vwandaka kaka na kazaka mosi, mpe zolaka ti Timothée kunata yawu na yandi. Kazaka mosi! Kasi, Paul

pesaka mbandu mutindu Klisto vwandaka, Yandi vwandaka na kazaka mosi. Na yina samu na yinki bimvwama mpe mbongo mingi mpe bima ya yimbi mingi samu na bantu bubu yayi? Beno tala ntangu yayi. Mpe yandi vwandaka na ngolo tii, muntu nyonso yina vwandaka ya kuswaswana na yina yandi longaka, yandi balukaka mpe tubaka, “Beno ke vwanda ya kufwa meso samu na nsungi mosi.” Mpe muntu yango vwandaka ya kufwa meso.

⁷³ Mpe awa vwandaka kisadi-bisengo, salaka bambala kumi na yandi kulutila yina muntu yina salaka, mpe dyaka kwendaka na yawu. Demas fwana banza, “Mbote, beno me mona, kiboba yayi me sukwama ntangu yayi. Yandi me zimbisa ministere ya yandi.” Ve, ve, yandi zimbisaka ve ministele ya yandi, ata fyoti ve. Nzambi ke salaka ve bima mutindu yina. Nzambi kele ve mupesi ya Indien. Yinga. Beno tala ntangu yayi.

⁷⁴ Paul vwandaka na kutala mutindu mosi Elie. Elie profete kwendaka na zulu ya mongo na nzila ya lutumu ya Nzambi, mpe bokilaka tiya na kubwa na Mazulu, mpe yawu kubwaka. Mpe yandi bokilaka masa, mpe yawu kwisaka. Mpe na yina yandi tumaka na nzila ya nsangu ya Nzambi mpe kufwaka bankama yiya ya banganga-Nzambi, ba me zenga bayintu ya bawu, dindumunaka yawu na mongo; mpe na manima yandi kimaka na ntwala ya kento, mwa kento mosi ya luvunu, to, yandi vwandaka kento ya kukwikama ve. Jézabel, mwa kento mosi yina vwandaka fungula samu na konso kitini ya yawu, yandi vwandaka yina salaka yawu. Ya monanaka ti yandi zolaka ntete kuzwa yandi. Kasi Nzambi kele na mitindu ya kusala bima, mpe bisadi ya Yandi lenda sala kaka landila kana yandi sala landila luzolo ya Nzambi.

⁷⁵ Beno ke mona ve, bankundi, beno fwana tambula landila mutindu ya Nzambi ya kusala. Bambala yikwa mu vwandaka na lukutakanu ya bampangi, mpe mutindu mu ke zola kutambula mpe kupesa bawu mbote mpe kutuba, “Bampangi, ya ke sala luswaswanu mosi ve, bika ti beto vwanda kaka bampangi.” Wapi mutindu mu lenda sala yawu mpe kubumba lutumu ya munu, “Kulonga Ndinga”? Mu zola ve kusala yawu.

⁷⁶ Mu telamaka na kati-kati ya milongi, mpe tubaka, “Mpangi Branham, tata ya munu ya kento awa. Mu zaba ti nge kele profete yina Nzambi fidisaka. Kwenda kuna mpe vutula yandi kumona.” Mu zolaka, mu zolaka sala yawu. Mu lenda sala yawu ve tii Yandi ke tuba na munu na kusala yawu. Beno me mona? Muntu ve lenda sala yawu. Elie lendaka yawu ve sala, muntu yankaka ve lendaka sala yawu.

⁷⁷ Ntangu yayi beto ke mona ti Paul. . . Demas longaka na Paul, yandi monaka Paul ke mona kikata mosi me lala kuna, mpe yandi tubaka, “Mu ke mona ti nge ke na lukwikilu ya kubeluka. Telema! Yesu Klisto ke belusa nge.” Yandi monaka

yandi kubelusa bambevo, mpe kasi yandi bikaka nkundi ya yandi Theophile ya kubela.

⁷⁸ “Paul zimbisaka ministele ya yandi.” Ya kele yina Demas fwana banza. “Samu na yinki yandi ve, kana yandi vwandaka na dikabu ya kubelusa, samu na yinki yandi kwendaka kuna ve mpe belusaka nkundi yina vwandaka ya kutelama pene-pene ya yandi yina ya kukwikama mingi? Yandi tubaka, ‘Mu me bika yandi kuna ya kubela. Mpe mu kele ve na kazaka, mpe mu zola ti nge nata munu kazaka yina. Mpe beno sala keba, kisadi-bisengo yina, yandi bebisaka kaka lukutakanu yina na kati ya mbanza. Mu zolaka bika mbanza. Yandi tulaka munu na kati ya boloko.’” Mu banza ti Demas tubaka, “Yinki mutindu ya mulongisi yayi kumaka?” Huh?

⁷⁹ Mpe, mpangi ya bakala, bawu me kuzwa bampeve mingi ya Demas na yinza bubu yayi. Bawu zaba ve yina yawu kele. Beno me mona? Ya kele ve na nsatu ya kumeka na kubangula yawu na bawu, samu ti bawu ke kuzwa yawu ve na mutindu nyonso. Beno me mona? Beno me mona? Kisadi ya Klisto ke landaka bitambi.

⁸⁰ Mosi ya ba-diacre ya beto awa, mu zaba ve kana yandi kele awa na nkokila yayi to ve, ya kele Tony Zabel. Yandi ke vwandaka ntangu nionso awa. Mpe yandi kwizaka na munu mpe yandi tubaka awa ntama mingi ve ntete yandi kuzwa . . . kwiza awa, yandi tubaka—yandi tubaka, “Mu—mu kuzwaka ndosi, ndosi ya ngitukulu.” Yandi tubaka, “Mu—mu lotaka ti mu vwandaka meka na kumona nzila ya munu na Zulu.” Yandi tubaka, “Mu monaka muntu kukwiza na robe ya ndombe mpe vwandaka lutangu ya buku.” Mpe yandi tubaka, “Mu—mu kumaka na muntu yayi, mpe mu yufulaka yandi, ‘Wapi nzila ya Mazulu?’ Mpe yandi tubaka, ‘Beno yufula muntu yina kele na ntwala ya munu.’” Mpe yina vwandaka pasteur ya dibuundu yina yandi vwandaka kwendaka.

⁸¹ Yandi kwendaka mwa ntama mpe yandi kutanaka na muntu yankaka, yandi lwataka robe ya ndombe mpe yandi vwandaka yimba minkunga, vwandaka landila. Mpe yina vwandaka pasteur yankaka. Ba-pasteur yayi kele bankundi ya munu mosi. Mpe yandi tubaka . . . Mpe muntu ya mbote. Mpe yandi tubaka, “‘Wapi nzila mu ke mata na zulu ya mongo awa?’ Yandi tubaka, ‘Tala awa.’ Yandi tubaka, ‘Beno me mona, ya kutelama kuna na zulu, mwana-bakala yina ya fioti?’ Mu tubaka, ‘Yinga.’” Yandi tubaka, “Ya vwandaka na bakala mosi na salopette, yandi vwandaka lwata mwa yimpu ya cowboy.” [Kisika ya mpamba na bande—Mu.]

⁸² Muntu mosi tubaka, kuna na Kentucky, yandi tubaka, yandi vwandaka zonzila munu kuna, yandi tubaka, “Mwana-bakala yayi me fwanana na nionso katula kaka mulongi.” Ya lendaka vwanda mutindu kisadi-bilanga to kima mosi, kasi—kasi, beno zaba, ya kele ve mutindu yina.

⁸³ Mpe yandi tubaka ti ya vwandaka munu yina vwandaka ya kutelama kuna. Mpe yandi—yandi mataka tii kuna yandi kumaka na munu, mpe yandi tubaka Mu bakaka yandi na diboko mpe mu twadisaka yandi tii kuna mu kumaka na zulu ya mongo. Mpe ya vwandaka na ntoto ya kuyuma yina vwandaka luta. Mpe mu tubaka, “Tony, mu fwana bika nge awa mpe nge fwana tambula ndambu ya yayi na nzila ya nge mosi.”

Yandi tubaka, “Mpangi Branham, yinki mu lenda sala awa?”

⁸⁴ Yandi tubaka Mu tubaka, “Kwisa awa, Tony, tala kuna. Nge ke mona bawu makulu mwasi na Menga na kati ya bawu?” Mu tubaka, “Ya kele yina mu landaka nzila nyonso. Bikana kaka na zulu ya Yawu.” Ya kele kaka kima yina mu zaba kulakisa muntu; na credo ve to sensation ya mutindu mosi, kasi na bitambi yina ya menga yina ke nata na Biblia, Menga ya Yesu Klisto.

⁸⁵ Ntangu yayi, mutindu muntu yina zolaka kuwa, muntu mosi na mafuku mingi ya bankundi, mpe kazaka mosi. Muntu yina vwandaka . . . vwandaka na ngolo ya kufwa muntu meso, mpe ti bakala mosi kubasika na mbanza. Yandi salaka ata fioti ve kima mosi samu na yawu, yandi telemaka mpe yandi kwendaka. Yandi sambilaka samu na bambevo mpe yandi bikaka nkundi ya yandi ya kubela. Mpe Demas bikaka yandi. Bayankaka nionso bikaka yandi. Bawu nionso bikaka yandi. Paul tubaka, “Bantu nionso bikaka munu.” Bawu nionso bikaka yandi.

⁸⁶ Mu ke tuba yayi. Ntangu muntu ke telama kieleka na Ndinga, na lukutakanu mosi ve, kasi na lukutakanu nionso, ntangu muntu ke telama kieleka na Ndinga, ntangu ke kwiza ntangu bawu ke bika yandi. Kieleka. Bawu salaka yawu. Bawu salaka yawu na Mfumu ya beto. Bawu ke bika yandi ntangu yandi ke telama samu na Kieleka. “Bantu nionso me yambula munu.” Mpe ntangu yayi yinki beno ke banza ti Demas mpe bayankaka na kati ya bantu me zaba ntangu beto nionso, yina me zaba Masonuku, ti Luc vwandaka dokotolo, mpe Paul, kisika nyonso yandi kwendaka, bakaka dokotolo yayi na yandi? Mpe kulonga kubeluka ya Kinzambi, mpe kubika nkundi ya yandi ya kubela. Ya mputu mingi, yandi vwandaka na kazaka mosi. Mpe yandi ke bika bakala mosi kubasisa yandi na kati ya mbanza, ntangu yandi lendaka kufwa meso ya bakala mosi. Beno me mona, bawu banzaka ti ba sukulaka yandi. Kasi yandi vwandaka ve! Yandi vwandaka kieleka na Bitambi ya menga. Yandi vwandaka landa. Mu banza ti beno me bakula. Yandi tubaka, “Muntu nionso me yambula munu.”

⁸⁷ Demas, ke zolaka yinza yayi ya malu-malu, kuzabana ya bantu. “Mbote, Docteur Demas. Mu zaba ti beno kele na Doctorat ya beno ya Philosophie!”

⁸⁸ Oh, kieleka, bawu zola yawu. Yesu tubaka, “Yinki mutindu beno ke zola kutelama na ba-synagogue, mpe ti ba bokila beno

‘Rabbi,’ mpe nyonso yina.” Yandi tubaka, “Nge ke kuzwa kaka kitumbu ya kulutila.” Beno me mona?

⁸⁹ Ntangu yayi, beto zaba ntangu bawu monaka dokotolo yayi kulanda yandi, to na yandi, mpe Paul bakaka Luc, yandi tubaka, yandi tubaka—tubaka awa, “Luc kele—Luc kele kaka yina zimbanaka ve. Mpe Luc kele—kele mbote samu na yandi. Kasi, Luc ke na kukwendaka na ntwala samu na yandi. Yandi ke na nsatu ya Luc samu na ministere ya yandi.” Mpe dokotolo yayi vwandaka landa muntu bisika nyonso yandi vwandaka kwenda, mpe longaka kubeluka ya Kinzambi. Mpe muntu yina longaka kubeluka ya Kinzambi lendaka belusa kikata mpe kuvumbula bamvumbi, mpe nionso yankaka, mpe kumona ba-vision ya ngolo, mpe kutuba bima yina ke salama, mpe ke bika kisadi ya yandi mosi ya bambevo. Mpe ba lendaka vwanda na mafuku ya ba-dollar mpe kutunga bayinzo ya nene bambala makumi ya mafunda ya ba-dollar, mpe balukolo ya nene mpe bima mutindu yina, mpe yandi vwandaka kaka na kazaka mosi ya kulwata na mukongo.

⁹⁰ Demas tubaka, “Mu ke vukanaka ve na muntu ya mutindu yina. Yandi kele kaka. . . Yandi kele muntu ya yisi mingi. Mu ke mata na bampangi ya denomination. Mu ke mata kisika mu ke vwanda muntu mosi.” Kana ya vwandaka kima ya mutindu yina, mu zolaka tambula, mpe kaka na manima ya Baxter me manisa, beno me mona, samu na kubika mwana-bakala yina ya mputu na mutindu yina. Yandi zolaka telama pene-pene ya yandi. Paul vwandaka yandi yina twadisaka yandi na Klisto. Kasi, beno me mona, ya kele kukondwa kuzaba Mpeve, na kuzabaka yinki luzolo ya Nzambi kele, na manima kusala luzolo ya Nzambi. Beno me mona? Ntangu yayi, kasi yandi bikaka yandi mutindu yina. Yandi bikaka yandi! Bantu nionso bikaka yandi.

⁹¹ Mutindu mu ke banza na yawu! Wapi mutindu kisadi yina ke telama kieleka na Ndinga, ntama mingi ve to na ntwala, beno bambuka kaka moyo, bantu ke yambula yandi. Ntangu yayi beto zola zonzila yawu kaka baminuti fyoti, mpe mu ke bumba beno ntangu ya yinda ve ntangu yayi, samu ti mu zola beno awa na suka. Ntangu nyonso ntangu kisadi ya Nzambi ke telama kieleka na Ndinga, bawu nyonso ke bika yandi. Mpe yawu. . . Ntangu yayi, beno baka kaka kisika nyonso yina beno zola, ntangu nyonso na kati ya Biblia to na disolo, ti ntangu muntu bikanaka ya kukwikama, ya lenda vwanda mutindu yandi vwandaka ya kuzabana, ntangu yandi bikanaka ya kukwikama na Ndinga, ntangu ke kwisa ntangu yinza ya misambidi ke bika yandi mpe ba ke katula yandi. Ntangu yayi, beno tanga kaka yawu, kana beno baka Biblia kubanda Genèse tii na Buku ya Apocalypse, mpe ke baka *Na Ntwala Ya Lukutakanu Ya Nicée* mpe ke baka *Batata Ya Nicée*, mpe konso muntu, konso santu, konso profete, konso kisadi ya kieleka ya Nzambi yina vwandaka na Ndinga, ba bikaka bawu na nzila ya kima ya dibuundu mpe basisaka bawu.

Mpe Paul wandaka mosi ya bawu.

⁹² Mpe kana ya kele na mosi bubu yayi, ya ke vwanda kima mutindu mosi. Ya kele kaka kieleka. Beno fwana kukuma na kisika yina. Ya fwana salama. Ba ke banza ti muntu yina ke vwanda na ministere ya mutindu yina, yandi fwana simba yinza ya muvimba kaka na yisi ya luyalu ya yandi. Yandi lendaka, kasi ba ke zola ve kukwiza na yisi luyalu ya yandi. Beno me mona? Mpe bakala ya mutindu yayi ke tula ve ministele, to yinza na yisi ya luyalu ya yandi; yandi ke tula yawu na yisi ya kizizi ya Mfumu ya yandi, samu ti yandi kele ve awa yina ke na kumonikisaka yandi mosi, yandi ke na kumonikisaka Mfumu ya yandi.

⁹³ Beno zaba, bantu ke mekaka na kusosa lukumu mosi na yankaka, mpe bawu ke zitisa mosi na yankaka, mpe ke zitisa ve Nzambi na kusalaka mutindu yina. Beno me mona? Beto ke meka mpe ke salaka bantu ya nene na kati-kati ya beto, mpe ntangu beto kele ve bantu ya nene mpe bantu ya fioti, beto nionso kele bantu ya fioti. Ya kele kaka na Mosi ya nene na kati-kati ya beto, mpe ya kele Mfumu ya beto. Beno me mona? Mpe beto ke sala organisation ya beto kulutula nene na Nzambi, “dibuundu ya nene ya santu ya *yayi*, *yina*, to *yankaka*, ba-évêque ya nene ya santu,” mpe nyonso yina. Ya kele ve na bima mutindu yina. Ya kele lukumu ya muntu. Ya kele kaka na Santu mosi, mpe ya kele Nzambi. Mpe Mpeve-Santu, yina kele Nzambi, kele na kati-kati ya beto. Ya kele ve beto yina kele santu, ya kele Mpeve-Santu yina kele na kati ya beto. Ya kele ve. . . Ntangu beto ke mona bima kusalama, ya kele ve beto na kusala, ya kele Mpeve-Santu. Yesu tubaka, “Ya kele Munu ve yina ke salaka bisalu, ya kele Tata ya Munu. Yandi ke zingaka na kati ya Munu, mpe Yandi kele Yandi yina ke salaka bisalu.” Mpe ya kele ve yandi yina—yina ke na kusalaka yawu. Mbote mingi. Kasi beto ke mona bisadi yango ya kieleka kuna na ntangu yina.

⁹⁴ Ntangu yayi beno tala kima yina mu zola kusala na mwa ntangu fioti. Ntangu yayi, ya ke wandaka ntangu nionso na ntangu yina ntangu bantu me bikana ya kukwikama na Ndinga mpe bantu nionso me bika yandi tii Nzambi ke kwisa nwana samu muntu yina mpe ke byadisa ministere ya yandi. Ya kieleka. Wapi kubomba. Kubomba ya beto kele ya kutunga na nsilulu ya Ndinga ya Nzambi. Ata yina yinza ke tuba, yina yinza ke sala, yina kele ve bivuvu ya beto, kele ve ya kutunga na yina yinza ke na kusalaka.

⁹⁵ Mu banza ti nkunga yina kele kitoko mingi. Mu zola yimbila. Mu ke zolaka ntangu nionso kuyimba. Beno me mona? “Bawu yina ke tulaka kivuvu na Mfumu, ke baka dyaka ngolo ya bawu, bawu ke pumbuka na mapapu mutindu ngononi, bawu ke kima mbangu mpe ke lemba ve, kana bawu tambula bawu ke lemba ve; longa munu, Mfumu, na kuvingila. Longa munu, Mfumu, na kukanga ntima na kufukama ya munu mu ke vingila.” Mu zola yawu. “Mpe na ntangu ya Nge Mosi ya mbote Nge ke pesa mvutu

na kubondila ya munu; kulonga munu ve na kutadila na yina bayankaka ke salaka, kasi beno vingila kaka na kisambu samu na mvutu na Nge.” Yawu yina. Ya kele kisadi ya kieleka yina ke vingilaka na kubalula ya Mfumu ya yandi, na kuzabaka yayi, ti Masonuku lenda kubwa kukondwa kutala na yina ke salama. Masonuku fwana vwanda kieleka. Na ntangu ya mutindu yina, kele ntangu Nzambi ke kotaka na kisalu ntangu nionso samu na kusadisa bawu.

⁹⁶ Bika beto tala na Elie ntangu ba bikaka yandi. Samu na yinki? Samu yandi bikanaka ya kukwikama na Ndinga. Yandi tubaka, “Bantu nionso me bika munu.” Mpe ba basisaka yandi na ngaanda ya kimvuka, na organisation, na organisation mpe ya yinsi, ya dibuundu ya Israel, nganga-Nzambi mpe bawu nionso losaka yandi, mpe yandi vwandaka ve na kazaka mutindu Paul, kasi mwa kitini ya mpusu ya dimeme, to, cuir na ziunga ya yandi, mpe vwandaka na zulu ya mongo mpe ba dikisaka yandi na bandeke. Yinga, tata. Samu na yinki? Samu na zola ya Ndinga-Nzambi, samu ti yandi vwandaka kieleka na MUTINDU ME TUBA MFUMU. Ntangu yayi bawu nionso kumaka ya bilumbu yayi. Mama ya ntete ya yinsi, Jézabel, vwandaka na bamvwatu nionso mpe bima nionso yina. Mpe banganga-Nzambi lemvukilaka yawu mpe nionso yina, mpe milongi nionso mpe nionso yina, bawu wisanaka na yawu. Kasi Elie ve, yandi bikanaka na Ndinga yina. Mpe samu na kima ya mutindu yina ba bikaka yandi, tii kuna yandi bokaka, “Mfumu, mu kele kaka yina me bikana, mpe bawu ke sosa luzingu ya munu.”

⁹⁷ Kasi Nzambi pesaka yandi mwa kubomba, yandi tubaka, “Mu kele dyaka na mafunda sambwadi kuna.”

⁹⁸ Beno me mona, mu ke kwikilaka ve ti Elie talanaka muntu ya lunangu samu na yawu, ti yandi vwandaka kaka yina, kasi mu banza ti yandi vwandaka talana kaka ti ba bikaka yandi. Ntangu nyonso yandi ke kwenda na nganga-Nzambi samu na kusimbisa lukutakanu, ba ke basisa yandi. Yandi ke kwenda kuna, “Basika awa, nge fanatiki! Basika awa! Kwenda sala *yayi!*” Ya lakisaka ntangu Élisée kwizaka, kilandi ya yandi. Mbote, yinki bawu salaka? Bawu mpe. . . Ntwenya ya bakala yango vwandaka na dibasi, mpe ba fidisaka bana ya bawu ya fyoti samu na kuseka “banganga-nkisi.” yayi ya ntama. Yandi tubaka bawu zole vwandaka talana mutindu banganga-Nkisi, yandi tubaka, “Kiboba ya dibasi! Dibasi, samu na yinki nge zangukaka ve mutindu Elie salaka?” Bawu kwikilaka ve ti yandi kwendaka kuna. Uh-huh. Beno me mona? Kaka bawu banzaka ti yandi vwandaka nkonga ya banganga-nkisi. Kasi bawu vwandaka ya kukwikama na Ndinga, na ministere yina me siamisama. Elie telemaka ngwi. Mbote mingi.

⁹⁹ Daniel vwandaka na kutelema ya kieleka. Beno zaba kisika mu me kuzwa yawu na Daniel 12, to na Daniel 9, mu banza ti ya kele. Ntangu beno. . . Daniel telemaka kieleka samu na Ndinga.

Yinki salamaka na yandi? Ntangu yandi vwandaka kisasidi ya ntinu, kasi yandi telemaka ya kieleka samu na Ndinga, mpe ba basisaka yandi mpe ba losaka yandi na dibulu ya bankosi. Muntu ya Nzambi kele ya kutelema kieleka samu na Ndinga!

¹⁰⁰ Bana ya ba-Hebreux bikanaka kieleka na Ndinga, na yisi ya nsamunu ya ntinu ti “muntu nyonso yina ke fukimina ve kiteki yina ntangu psalterion ke wakana mpe bampungu bulaka, mpe nionso yina, muntu nionso yina ke fukama ve na ntwala ya kiteki ya beto ba ke losa yandi na dibulu ya tiya,” mpe ba balulaka mukongo ya bawu na kiteki. Mpe ku- . . . Bawu, ata mutindu nyonso bawu vwandaka ya kuzabana ve, ata mutindu nyonso ba ke tula bawu na ngaanda ya kimvuka, bawu bikanaka kieleka na Ndinga. Mu zola yawu.

¹⁰¹ Jacob, yankaka. Yandi vwandaka . . . ntama mingi na yinzo samu na ntangu ya yinda, mpe yandi vwandaka na lubokilu ya kuvutuka na yinzo samu na kumona bantu ya yandi. Mpe yandi vwandaka na nzila ya yandi, ya kieleka na lubokilu ya yandi, ya kieleka na lutwadusu ya yandi. Yandi vwandaka na bima ya mbote kuna, kasi Nzambi bandaka na kusala na yandi na kukwenda na yinzo. Mpe, na nzila ya yandi ya kuvutuka, ba losaka yandi na kati-kati ya bisika zole ya kukangama. Kento ya yandi mpe bana na lweka yayi; mpe mpangi ya yandi ya bakala yina ba yinaka, Ésaü, yina vwandaka kwiza awa na basoda samu na kukutana na yandi. Mpe yandi telemaka kuna na mwa masa yina, Peniel kuna, mpe yandi telemaka kuna. Mpe na yinki conditsyo! Ésaü, yinaka yandi, na kukwizaka na basoda samu na kukutana na yandi, mpe awa vwandaka kento ya yandi, bakento zole mpe bana nyonso na lweka yayi ya masa, mpe ba kangaka yandi na kisika ya kukangama. Samu na yinki? Samu yandi zolaka vwanda na yinsi ya yandi mosi ya zolaka vwanda mbote mingi. Kasi yandi vwandaka na lubokilu, Ndinga ya Nzambi bokilaka yandi na yinsi ya yandi. Alleluia! Nzambi sakumuna muntu. Yandi me soba, mpe. Yinga, tata.

¹⁰² Yesu, ya kukwikama na Ndinga ya Tata, “Mu ke sala kaka yina Tata me tuba. Ya kele ya kusonama, ‘Muntu ke zinga kaka na dimpa ve, kasi na konso Ndinga yina ke basika na yinwa ya Nzambi.’”

Yesu, ntangu nyonso ya kukwikama na Ndinga yina, ya kumaka ntangu na ntangu Yandi zimbisaka bankundi nyonso yina Yandi kuzwaka. Bawu nionso bikaka Yandi mpe bawu kwendaka. Bawu nionso. Mpe bantu monaka ti ba sekaka Yandi, kusemoké na yandi, ba katulaka kivuvu na Yandi. “Yinki mutindu muntu yina lendaka zonza na muntu ya kufwa na kati ya ntoni mpe kuvumbula yandi, yinki mutindu muntu yina lendaka zabisa na ntwala mambu na kieleka mpe ata fioti ve me . . . me kubwaka ata fioti ve; mpe me vwanda kuna na kati ya yinzo ya lusambusu na kizizi ya Yandi ke basisa menga samu ba me vusa mandefo ya Yandi, mpe na mvindu ya kulutila nzanzi

ya kosu-kosu ya basoda ya kukola malafu vwandaka kulumuka na kizizi ya Yandi, na kitende na zulu ya yintu ya Yandi, mpe bulaka Yandi na yintu na nkawa, mpe tubaka, ‘Pesa profesi mpe tuba na beto nani me bula Nge, mpe beto ke kwikila yawu?’” Mbote, bilandi kwendaka kaka, tubaka, “Ah!”

¹⁰³ Beno me mona, bawu na nswalu nionso ke zimbana yina Nzambi salaka! Mutindu Moise tubaka na Mubu ya Mbwaki, ntangu yandi telemaka kuna mpe tubaka, “Nzambi me sala bimangu kumi katula nyonso yankaka, nge kele kaka yina ke kusala mvwanzi ti nge zaba ve ti Yandi kele kaka Nzambi?” Yandi kwendaka kuna mpe yandi bulaka bayinsi, yandi—yandi singaka na bayinsi. Yandi basisaka bazundu, baniamama, banzinzi, nionso, mpe mupepe ya nene yina kufwaka bana nionso ya ntete, mpe wanzio ya lufwa lutaka na yinsi, mpe kasi bantu yina zolaka ve kulanda yandi na Mubu ya Mbwaki. Na nswalu nyonso, kaka na ntangu kuzabana ya beno. . . Ntangu bawu monaka badianga yayi ya nene ke ngenga ya babakala nkama ya mafunda ke na kukwisa mutindu yina, to mu banza, yinga, to mu banza mafuku ya bantu ke kwiza, mpe makelele ya bapusu-pusu mpe putulu ke pumbuka, bawu bikaka kaka mpe kubwaka, “Mpe, Moise, beto zolaka kufwa na manima kuna.” Beno me mona? Nzambi tubaka ti Yandi bikaka bawu kufwa na ntoto ya kuyuma samu na kukondwa lukwikilu. “Moise, ba me sukula ministere ya nge, kaka yina. Nge kele diaka ve.” Beno me mona, bawu ke bakula ve. Bawu ke bakula yawu ve.

¹⁰⁴ Mpe ntangu yayi kima mutindu mosi vwandaka ntangu Yesu, Rabbi ya ntwenya to Mulongisi, to Profete ya Galilée, ntangu Yandi vwandaka sala bimangu nyonso yina mpe bima nyonso, “Yinki mutindu Yandi lendaka telama mpe kukanga ntima na kima ya mutindu yina? Yinki mutindu Yandi lendaka bika muntu kukanga Yandi na miniololo, ntangu Yandi lendaka buka kidimbu ya ntoni mpe kuvumbula muntu ya kufwa na Seko? Yinki mutindu Yandi lendaka sala yawu, ntangu Yandi lendaka tuba na mwana ya kento ya makwela mpe kuvumbula yandi na kuzinga dyaka; mpe Lazare, ya kufwa mpe ya kupola na ntoni, mpe basisaka yandi? Yinki mutindu Yandi lendaka telama mpe kutuba, ‘Mu kele Mvumbukulu mpe Luzingu. Yandi yina ke kwikila na Munu ata ti yandi me kufwa kasi yandi ke zinga. Yina nionso ke zinga mpe ke kwikila na Munu ke kufwa ata fioti ve.’ Mpe ya kutelama mpe vwandaka me kangama na miniololo mpe ya kulosila mate na kizizi, mpe ve kuzibula yinwa ya Yandi?” Bilandi, “Yandi me zimbisa ministele ya Yandi.” Yinga, ya kele luta mutindu yayi. Nzambi, yinza yayi ya mawa!

¹⁰⁵ Ata mpe dibuundu ya Yandi, kumi na zole yina Yandi vwandaka sepela mpe tubaka na bawu nionso, mpe vwandaka zola bawu, ba baluluka mukongo ya bawu na zulu ya Yandi. Kaka mosi telamaka pene-pene ya Yandi, yina vwandaka muntu Jean. Kaka na ngunga mosi ntangu bima nionso kwendaka, mpe

kivuvu nionso vwandaka diaka ve, kuna ba kangaka Yandi ba nsinga, mpe ba nataka Yandi kuna mpe ba losilakaka Yandi mate, mpe ba baluluka mukongo na Yandi na . . . Na kuzabaka ve ti yina lungisaka Masonuku.

¹⁰⁶ Samu na yinki, beno zaba ve ti bima yina ke na kusalama bubu yayi ke na kulungisaka Masonuku nyonso ya kieleka mpova na mpova? Samu na yinki bantu lenda tuba bima yayi? Samu na yinki ba-denomination yayi ke dasuka? Samu na yinki bawu ke sala yawu? Ya kele ya kusunama na kati ya Masonuku ba ke sala yawu. Bawu ke kota mbala mosi na kati ya yawu mpe ke sala yawu bawu mosi, ya kufwa meso, na kuzabaka ve ti bawu ke na kusalaka yawu. Beno banza ti Judas zabaka ti yandi vwandaka bula ndambu ya kisalu ya Judas? Beno banza ti Pharaon zabaka ti yandi vandaka sala kisalu yango, ntangu Nzambi telemisaka yandi samu na lukanu yina? Beno banza ti Ésaü zolaka sala bima yina yandi salaka? Kieleka ve. Yandi tubaka, “Bawu kele na meso mpe lenda mona ve, makutu mpe lenda kuwa ve.” Kasi beno tala mbote Masonuku, ke zibuka kaka. Beno me mona? Beto me kuma na ntangu ya nsuka, ya fwana vwanda mutindu yayi.

¹⁰⁷ Ntangu yayi, dibuundu ya Yandi bikaka Yandi. Bantu nionso mpe yinza bikaka Yandi. Beno ke zonzila muntu yina ba me yambula, kuyambula yina Paul kutanaka na yawu vwandaka ata fioti ve yina Yandi kutanaka na yawu. Ata mpe luvangulu yina Yandi vangaka vwandaka kuyambula Yandi. Ngonda mpe bambwetete mpe mwini, mpe nyonso, kufwaka meso. Muntu, Nzambi, yinza mpe nyonso bikaka Yandi, kima ve ya kutelama kuna, Yandi kufwaka yandi mosi. Yandi zimbisaka ministele ya Yandi? Yandi vwandaka lungisa ministele ya Yandi, na kuzimbisaka yawu ve. Ya ke kwenda na yawu. Ya kele kima yina ke salamaka. Ya fwana kwenda na yawu.

¹⁰⁸ Ntangu yayi, bima nionso yambulaka Yandi. Kasi ya vwandaka na ntangu yayi yina Nzambi kotaka na kisalu, samu ti muntu nyonso yina zaba ti Ndinga ke bikana na Ndinga, na kuzabaka ti Ndinga kele Nzambi. Beno me mona? Mpe Ndinga fwana monisama Yawu mosi. Ndinga yina ke kubwaka ve fwana monisama Yawu mosi. Ya fwana vwanda, samu, samu ti Ndinga kele Nzambi. Mpe kana Yawu salaka na bayankaka nzila nyonso na nsungi, Yawu ke sala mutindu mosi kaka ntangu yayi, samu ti Yawu kele Nzambi. Beno zimbana yawu ata fioti ve. Samu ti Yesu zabaka ti Yandi vwandaka muvimba ya Ndinga, Yandi vwandaka kaka Profete ve, Yandi vwandaka Nzambi Yandi mosi. Yandi vwandaka Ndinga. Ya kele samu na yina kaka muntu ve bikaka Yandi, kasi diaka yinza bikaka Yandi. Luvangulu nyonso bikaka Yandi, nyonso, bambwetete, mpe nsemo ve ntangu Yandi kufwaka. Bima nionso ke yambula Yandi, beno me mona, samu Yandi vwandaka Mvangi ya bima nionso. “Yandi vwandaka na yinza, mpe yinza kusalamaka na nzila ya Yandi, mpe yinza zabaka Yandi ve.” Beno me mona? Yandi vwandaka Mvangi ya

bima nionso. Bima nionso! Ntangu yayi, kima mosi kaka, yina beto. . .Beto ke vanga ve kasi beto ke meka na kundimisa, mpe bayina beto ke meka na kundimisa kele bayina ke bikaka mpe ke kwendaka. Beno me mona? Ntangu ntangu ke kwisa samu na Ndinga samu na kutalisa Yawu ya kieleka, ya fwana vwanda mutindu yina. Ntangu yayi, beno bambuka kaka moyo, ya kele kuna ti Nzambi kotaka na kisalu.

¹⁰⁹ Mpe na luzingu ya Mfumu ya beto Yesu, bisalu ya nene yina Yandi salaka samu na mvula ya ntete mpe bangonda sambanu ya luzingu ya Yandi, oh, mutindu Yandi vwandaka Muntu ya nene! Ya vwandaka ata fioti ve na kima mutindu Yandi na zulu ya ntoto, kubanda ata fioti ve, ya ke vwanda ata fioti ve na manima. Kasi yinki salamaka? Ba vwezaka Yandi kulutila muntu nionso, bawu nionso me bikana me vukana kintwadi. Ba vwezaka yandi na nzila ya yinza mpe ba vwezaka yandi na nzila ya luvangulu, ba vwezaka Yandi na nionso, samu ti ya vwandaka na mutindu ya kubeba. Ya kele samu na yina bantima ya bantu ke seka kisadi ya kieleka ya Nzambi, samu ti ya kele ya kubeba. Yinza me beba, ya kele samu na yina.

¹¹⁰ Kana yinza kele kitoko mutindu yina, na kuvwandaka ya kubeba, yinki ya ke vwanda ntangu ya ke vutuka na luzolo ya Nzambi? Kana ntoto lenda buta bambuma ya vinu yina bantu zole fwana kunata na zulu ya mukongo ya bawu, yinki ya ke vwanda, mpe ti ntoto ya kubeba, yinki ya ke vwanda ntangu ya ke balula ntima na Nzambi? Klisto ke kwisa, ntoto ya kuyuma ke felela mutindu rose. Ya ke vwanda kubalula ntima. Mpe bisika ya kuyuma ke basika na maza, mpe ntoto ke felela mpe ke yalumuka. Oh, ya ke vwanda ntangu, mpe ntangu bantima ya bantu ke ndima na bantu ya santu, yina ke sala nsodolo ya bawu ntangu yayi, ke zinga na kisika yina. Amen.

¹¹¹ “Na ngunga yayi ya mudidi, na yina matadi vwandaka pasuka mpe matuti kumaka mudidi,” tubaka muyimbi, “Mvulusi ya munu nyekisaka yintu ya Yandi mpe kufwaka; vwale yina pasukaka monisaka nzila ya byese ya Mazulu mpe kilumbu yina kele na nsuka ve.” Yandi zolaka sala yawu samu na kusala nzila samu na beto. Kieleka. Kasi yinki Nzambi salaka? Yandi vwandaka ya kukwikama na Ndinga mpe Yandi me yamba kulunsi. Kasi yawu vwandaka nsuka ya ministere ya Yandi? Ministere ya Yandi vwandaka ya kusukula? Nzambi biadisaka yawu na yimpu ya kulutila nene yina ba me lwatisaka ntete ve. Yandi biadisaka yawu yimpu ya kimfumu na suka ya Paki, na mvumbukulu. Yandi biaatisaka ministere ya Mfumu ya beto Yesu, Yandi vumbukaka na lufwa mpe ke zinga mvula na mvula. Ba sukulaka yandi ve samu bantu nionso bikaka Yandi, ba biadisaka Yandi yimpu! Yinga, tata. Yinga, tata. Ba biadisaka Yandi yimpu samu ti ba basisaka Yandi, mpe Yandi fwana sala yawu ntangu Yandi vumbulaka Yandi na lufwa.

¹¹² Mutindu mosi vwandaka na Elie. Beto zonzilaka na yandi

mwa ntangu fyoti me luta. Elie, profete yayi ya mputu ya kulemba mingi yina vwandaka ya kutandama kuna na kati ya ntoto ya kuyuma, mpe ba zolaka kudisa yandi na yina bandeke zolaka natila yandi. Mpe mwa nzutu ya yandi ya kukonda, ya kukangama mpe ya mpembe, mwa dibungu ya mafuta ya kukanga na lweka ya yandi, mandefo ya yandi ke diembela, mpe yintu mu banza na dibasi mpe vwandaka yokama na nsemo ya mwini, yina vwandaka tambula na mpasi, yina vwandaka tambula na nkawa mutindu *yayi*, kasi na yisi ya mwa ntima yango ya ntama bulaka Mpeve ya Nzambi. Ntangu Nzambi monaka mwa kisadi ya Yandi ya kulemba kukulumuka na nsuka, muntu nyonso ke bika yandi, mpe nyonso yankaka, Yandi bikaka yandi? Yandi fidisaka kipusu, bakaka kisadi ya Yandi ya kulemba, “Beno fwana mata ve mutindu Enoch kusalaka, Mu ke nata kaka beno na yinzo na pusu.” Ya kele kieleka. Yandi biadisaka ministere ya yandi na pusu-pusu mosi na kunataka yandi na yinzo. Yina ke yimbi ve, beno zaba. Yinga. Yinga, yandi zolaka ve kutambula na yinzo, Yandi fidisaka kaka kipusu mpe zangulaka yandi samu ti yandi vwandaka ya kulemba. Mu ke zolaka yawu. Amen. Kisadi ya mputu, ya kulemba, Yandi lokotaka yandi mpe nataka yandi na Yinzo.

¹¹³ Ya vwandaka na ntangu yina Daniel telamaka ya kukwikama mingi na Nzambi, ti yandi kotaka . . . Bawu tubaka, “Muntu yina, beno zaba, yandi vwandaka mbala mosi muntu ya nene awa na kimfumu yayi. Yandi tubaka mambu ya mutindu na mutindu. Mpe yandi me nata ba-nganga-nkisi, yandi me longa bawu bima.” Mpe ba medes-Perses mpe mutindu yandi salaka. Kasi na yisi ya kimfumu ya Darrius, yina vwandaka Daniel yina bikanaka kieleka na Nzambi. Ya vwandaka Daniel yina bikanaka na Ndinga ya Nzambi mpe yina zolaka vukana ve na kima yankaka. Mpe yandi tubaka, “Mbote, ba me sukula ministere ya yandi, samu ti mu monaka yawu na zulunale mosi, ba ke losa yandi na dibulu ya bankosi na mwa bilumbu fioti.” Ba ke kwenda na boloko ya Cour fédérale, to kima mosi, beno me mona. “Kasi beto ke losa yandi na dibulu ya bankosi.” Kasi yinki Nzambi salaka? Nzambi tulaka kidimbu na ministele ya Yandi na nsobolo ya ntima ya ntinu, ti Darius me fidisa na konso ndinga, na bantu na yinza ya muvimba, ti konso muntu lendaka vwanda na boma na Nzambi ya Daniel, samu Yandi vwandaka Nzambi yina lendaka vulusa. Amen.

¹¹⁴ Na yawu, beno me mona, ya kele na ntangu yina ntangu bantu ke bika bantu, bisadi ya Nzambi yina ke bikana kieleka na Ndinga, ti Nzambi ke tulaka kidimbu na ministere ya bawu na ntangu ya kubiadisa.

¹¹⁵ Yinga, ya vwandaka bana ya ba-Hébreu na yisi ya kimfumu ya Nebucadnetsar, ntangu bawu zolaka fukimina ve kiteki. Bawu bikanaka kieleka na Nzambi samu ti Ndinga ya Nzambi tubaka, “Beno fukimina ve kiteki mosi, samu na kusambila

yawu.” Ba bikanaka kieleka na Ndinga. Mpe ya vwandaka na zulunale mosi, na zulunale, nionso yina me tadila yawu, nionso yina ya vwandaka na bilumbu yina ya bawu. Ba vwandaka na banzila samu na kumwangisa nsangu. Ve na zulunale mosi, ya kieleka ve, ba vwandaka tuba kaka yawu samu beno kuzwa dibanza mosi. Kasi ya vwandaka kuna ba zolaka yoka bawu na dibulu ya tiya yina ba yangulaka bambala sambwadi na tiya. Samu ti bilumbu na ntwala ya yina, ba losaka na kati ya dibulu ya nene ya tiya nionso yina ya lombaka samu na kuyangula yawu ti ya ke vwanda bambala sambwadi ya kuyangula, ya kulutila kuyangula bambala sambwadi. Na yina, ya ke yoka bawu, na bitamina ya bametele nkama mosi ya yawu. Kasi bawu kwendaka mbala mosi na dibulu ya tiya, mpe basikaka kukondwa nsunga ya tiya na zulu ya bawu. Mpe Nebucadnetsar tubaka, “Muntu nionso yina ke kondwa na kusambila Nzambi yayi, ti ba ke kufwa bana ya yandi mpe yandi, ba ke yoka yinzo ya yandi mpe ba ke kumisa yawu mbombi.” Ya kele kieleka. Beno me mona? Yandi. . . Ba vwandaka na reveil ya nene ya yinza samu ti ba vwandaka kieleka na Ndinga. Ya kele yina ke salama. Yinga, tata. Beno bikana kaka kieleka na Ndinga, yinga, mpe ya ke futaka ntangu nionso mbote.

¹¹⁶ Jacob, beto me tubila yandi ntama mingi ve. Mu sonikaka nkumbu ya yandi awa. Awa yandi vwandaka, mwa muntu ya boma, kasi yandi vwandaka ya kuvwanda. Yandi talaka boma ya Ésaü kuna. Oh, la la! Mpe yandi zabaka ti yandi vwandaka ntama na Nzambi. Yandi vwandaka ntama na Nzambi bamvula nyonso yayi, kasi yandi ke mekaka ntangu nyonso na kuvwanda kieleka na Ndinga yina. Mpe awa Nzambi bokilaka yandi mpe tubaka na yandi na kukwenda na yinzo ya yandi. Awa yandi vwandaka kaka na nzila ya kisalu, mpe ya vwandaka na Ésaü na makesa. Ya vwandaka na ntangu yina yandi sobaka na nkumbu ya *Jacob*, “muntu ke baka kisika ya muntu yankaka, muntu ke sala na mayele ya kutengama,” na *Jacob*. . . “ntinu na ntwala ya Nzambi,” ntangu yandi basikaka na suka yina landaka, na ministere ya yandi ba me byadisa. Yandi basikaka kuna samu na kukutana na Esäu, mpe zolaka ve lusalusu ya yandi. Amen. Kieleka na Ndinga. Ya kele mutindu Nzambi ke salaka bima, mutindu yina ve? Yandi—Yandi ke salaka bima na mutindu ya Yandi Mosi. Mbote mingi.

¹¹⁷ Mingi ya bampangi ya munu, ba ke na kuzabana ya nene bubu yayi na kati ya bampangi ya bawu ya denomination. Nge ke tuba kaka nkumbu mosi, bakala, mpe ya kele kaka mutindu tiya, kisika nyonso, ya kele kieleka, nge ke tuba nkumbu yayi ya muntu yayi. Mpe, na manima ya nionso, ntangu Mfumu tubaka na munu kuna na nzadi kilumbu yina, yawu mwangisaka reveil yina na yinza ya muvimba, katuka kuna kwisaka ba-évangéliste ya nene nionso yayi.

¹¹⁸ Bawu vutukaka kaka na bampangi ya bawu, beno me

mona, ba-denomination yina na yina bawu basikaka. Bawu ke basika awa mpe ke simba lukutakanu yayi, ya kuvukana na ba-denomination, bawu ke vutuka mbala mosi dyaka na kati ya bawu. Bawu kuzwaka luvalu ya mingi, bankumbu ya nene na radio, na bazulunale, mpe nionso. Muntu nionso zonzaka mbote ya bawu.

¹¹⁹ Kasi bantu nionso me bika munu samu mu me baka Ndinga ya kieleka, mpe mu telemaka na nzila ya Ndinga. Mu me bikana awa na yina Yandi tubaka na munu, mu longaka Ndinga, ve philosophie ya denomination. “Longa Ndinga,” yina vwandaka lutumu ya munu, “bikana na Ndinga.” Mpe, bampangi, bayina ke na kuwa yayi na bande, Mu vwandaka muntu ya nene ntangu mu vwandaka kwiza na kati-kati ya beno, mu vwandaka belusa kaka bambevo, na kuzonzaka na ba-vision mpe vwandaka lakisa bima. Kasi ntangu mu kwendaka tuba na beno Kieleka samu na Ndinga, samu na yinki beno me balula mukongo ya beno na munu? Beno me bakula ti ya ke na kulungisa kaka yina Masonuku me tuba? Yinga, ya ke sala mutindu yina. Ntangu yayi mu lenda kota na kisika mosi.

¹²⁰ Mukanda ke kwizaka ntangu nyonso. Mosi kwisaka kilumbu yina, yandi tubaka, “Mpangi Branham, mu vwandaka na kivuvu ya kulutula nene na nge, kasi mu kuwaka nge kutuba ti denomination mosi yina mu kele na yawu vwandaka retrograde.” Yandi tubaka, “Mu ke tula kivuvu na nge ata fioti ve ntangu yayi, kubanda ntangu yayi.” Yandi tubaka, “Ya vwandaka pene ya makumi zole na tanu ya bampangi ya munu ya denomination yina vwandaka na mosi ya balukutakanu ya nge,” yandi tubaka, “beto me—me telama kaka mpe me kwenda ntangu nge me tuba yawu.”

¹²¹ Mbote, bantu nionso me bika munu, kasi ya kele na kima mosi, Yandi telemaka pene-pene ya munu! . . .? . . . Mu kele ve, mu tumamaka ve na vision ya Mazulu yina salamaka kuna na nzadi. Mu bikananaka ya kukwikama na yawu. Yandi vwandaka kieleka samu na munu. Mu ke tula kivuvu na Yandi, kilumbu mosi, mu zaba ve ntangu, samu na kubiadisa ya ministele ya munu. Mu bikanaka kaka kieleka mutindu mu lendaka vwanda. Mu zaba ve yinki ya ke vwanda. Mu zaba ve ntangu ya ke vwanda. Mpe munu, kaka ntangu Yandi me kubama, mu kele. Mu ke kipe ve. Mu banza ti Yandi ke byadisa ministere ya munu ya yayi, samu na kubika munu kubaka bilele ya Ndinga, mpe ke lwatisa Kento ya Yandi ya makwela na Ndinga, mpe samu na ludedomo ya Yandi. Mu banza ti Yandi ke byadisa munu, bika mu telama na kilumbu yina, mu tuba, “Benotala Mwana-dimeme ya Nzambi yina ke katula disumu ya yinza.”

¹²² Ya kele na bamongo mingi ya kukalata, disina, bantangu yankaka ya ke kumaka mpasi; kasi Yandi yina ke lakisa nzila, zaba kaka yina kele mbote. Yandi zaba yina kele ya kulutula mbote. “Bampasi ya nzila ke monana kima mosi ve, ntangu beto

ke kuma na nsuka ya nzila.” Beto sosa bitambi yina ya menga. Beno bambuka kaka moyo, bankundi, “Ba me sukula zyelo na makulu ya Nzenza yango na kumu ya Galilée; mpe ndinga yina tumaka bitembo yina vwandaka ningana, ke wakana dyaka ve na Judée. Kasi nzila ya Galiléen mosi yayi, mu ke landa yawu na kiese bubu yayi; mpe mpasi ya nzila ke monana kima mosi ve, ntangu mu ke kuma na nsuka ya nzila.”

¹²³ Na kitini yayi ya ntete ya Masonuku mu tangaka, mpe Yandi pesaka munu, Mu vwandaka ntwenya ya bakala, mwana-bakala ya ntwenya, ya kutelama kuna, na mapeka ya kusungama, na ntulu ya kuvimba, na bansuki mingi ya kulinga, ya ndombe. Mpe ntangu yayi mu me telama na mapeka ya kubwa, na dibasi, na nsuki ya mpembe, kiboba ya bakala ya bamvula makumi tanu na tatu. Kasi Yandi kele kitoko mutindu bilumbu ke luta. Mpe mu me bumba ve na kutuba na beno Nsangu ya mbote ya muvimba ya Yesu Klisto. Mpe nsatu ya ntima ya munu kele kukutana na Dibuundu yina Yandi kufwilaka, ya kulwata ludedomo ya Menga ya Yandi Mosi, me lwata na luketo Ndinga ya Yandi mpe bantu ya kudedama ya Ndinga ya Yandi, samu ti Ndinga ya Yandi lenda kubwa ata fioti ve. Mpe na yina, mu zaba ti kana mu ke telama na nzila ya Ndinga mpe ke vwanda kieleka na Ndinga, mpe kana Ndinga ke zinga na kati ya munu mpe munu na kati ya Yandi, na kilumbu yina mu ke vwanda na kiese ti mu bikanaka ya kieleka.

¹²⁴ Mu zaba ve yina bilumbu ke kwisa na ntwala, kasi beno me mona kisika beto kele, mutindu yina ve? Beno me mona samu na yinki bantu nionso ke tuba, ata mpe na bankundi ya munu yankaka yakisalu, yandi tubaka, “Kasi, nionso me kuma na nsuka ya kisalu ya Mpangi Branham.” Beno me mona? Yinga. “Nyonso me kuma na nsuka.” Beno me mona? “Ah, beto ke kuwaka dyaka ve mingi ya kusala.” Beno me mona? Mbote, beto . . . Bawu ke bakula kaka ve, kaka yina, ke bakula yawu ve. Beno me mona?

¹²⁵ Mu banza kima ya kulutila nene yina Paul zolaka, ntangu yandi tubaka, “Ntangu ya munu me kuma na nsuka ntangu yayi,” nsatu ya kulutila nene ya ntima ya Paul zolaka kuvwanda mhangi. Yina vwandaka nsatu ya bantima ya bawu nionso na bilumbu ya bawu. Kana bawu . . . Beno me tangaka ntete *Buku Ya Bambangi Ya Fox*, mpe beno me tangaka diaka *Concile Ya Nicée*? Lukumu ya kulutila nene ya lendaka vwanda, ntangu bayankaka (mpe Polycarpe mpe bayankaka ya bawu) bawu kotaka na dibulu ya bankosi, bawu bokaka na kiese. Bawu kotaka kuna na kuzabaka ti bawu zolaka kuvwanda mhangi. Ntangu ba yokaka bawu na kitini ya yinti, bawu bokaka na kiese, samu na lukumu ya kuvwanda mhangi. Ntangu Paul tambulaka kuna na kitini ya yinti, samu ba zenga yintu ya yandi, ba twadisaka bawu na boloko yina, mwa kisika mosi kuna, na kati ya dibulu mosi na kati ya kibaka, kisika ba vwandaka na yandi. Mu kwendaka kuna mpe talaka yawu. Mwa kavo ya ntama

na manima kuna kisika ba losaka nzutu ya yandi. Mpe ntangu yayi ba zola kumisa yandi santu to kima yankaka. Nkonga mosi ya bantu! Kuna yandi kulumukaka kuna. Yandi tubaka, “O lufwa, wapi ntunga ya nge? Ntoni, wapi lunungu ya nge? Kasi matondo na Nzambi Yina pesaka beto lunungu na nzila ya Mfumu Yesu Klisto. Mu me nwana bitumba ya mbote. Ya kieleka. Mu me keba Lukwikilu. Ya kele na yimpu ya kimfumu ba me tula samu na munu, mpe ve samu na munu mosi, kasi bayina nionso ke zolaka kumonika ya Yandi.”

¹²⁶ Beto me kuma na nzila ya 6 ntangu yayi, tii na 18. Mu zaba ve yina yawu ke tangama samu na munu, kasi mu ke na kutangila beno kaka yina ya me tangama samu na bantu yankaka. Mpe mu ke tatamana na kubikana kieleka na Ndinga tii kuna Yandi ke manisa. Ya kele kisika ministele kele bubu yayi. Mu me sukwama ve. Mu banza ti mu me sukwama kaka. Ya kele yawu. Ya kele kieleka. Beto kulumusa bayintu ya beto ntangu yayi na yina beto ke sambila. . . ? . . .

¹²⁷ Ya kele na mwa nsinga mosi ya ke kulumuka kubanda na Kiti ya kimfumu na nkokila yayi, ba ke bokila yawu Nsinga ya luzingu. Na yina mu ke na kusambilaka, mu banza ti ya ke na kulutaka pene-pene ya muntu nionso yina me balulaka ntima ve na kati awa. Beno zola ve kutanda diboko mpe kusimba yawu, nkundi ya nsumuki? Beno ke tuba, “Mpangi Branham, nge tubaka ti nge ke na kukula, mpe mu banza ti ya kele samu na yina nge kele. . .” Ve, mpangi-bakala, mpangi-kento. Ntangu mu vwandaka kaka mwana-bakala ya fioti, mu kwikilaka Yayi. Mu pesaka luzingu ya munu samu na Yawu. Mpe mu kele kaka na kiadi mosi, mu me kuzwa ve luzingu mosi samu na kupesa. Kana mu vwandaka na mafunda kumi ya baluzingu yina mu zolaka pesa bawu nionso samu na Yawu. Yinga.

¹²⁸ Beno zola ve kusimba Nsinga yayi ntangu yayi ya ke luta na nkokila yayi, pene-pene ya beno? Beno ke tuba, “Mpangi Branham, mu kele ve ya kulunga na kusimba Yawu.” Mu zaba ti nge kele ve, mwana. Kasi beno kwenda sala kima mosi samu na kuvwanda ya kulunga, mpe beno tuba na munu yina beno salaka, mu zola kusala yawu, mpe. Ya kele ve na kima yina beno lenda sala samu na kuvwanda ya kulunga. Beno butukaka ya kulunga ve. Ya kele kaka na kima mosi yina beno lenda sala, beno simba kaka mutindu yina ba salaka samu na beno. Beno ke na kudindaka, beno dinda ve kuna na kati. Nzambi me losa Nsinga ya luzingu, beto—beto tanda diboko mpe beto simba yawu na nkokila yayi.

¹²⁹ Tata ya Mazulu, mu ke bambuka moyo kaka awa na chaire mosi yayi, kisika mosi yayi kisika mu zonzilaka na suka yina, ti ntangu mu biekaka dibuundu kaka na zulu ya ntoto yayi awa. Mpe ditadi yina ya nsongi kele kuna, ke simba kaka dikasa na Biblia yina mu sonikaka yawu. Mu tubaka, “Mfumu Yesu, na lemvo ya Nge mu ke bikana kieleka na Ndinga.” Mpe ntangu

yayi mu ke mona ti ya ke basisa kaka kieleka yina yawu salaka na bantangu yankaka. Mpe awa mu kele na tabernacle yayi na nkokila yayi, na manima ya nzietolo ya yinza, diaka, mpe mwa ditadi ya nsongi kele kaka kuna mpe papié kele na kati ya yawu. Tala munu, Mfumu Nzambi. Mu salaka bifu mingi. Mu—mu salaka yimbi, Mfumu. Bambala mingi mu me kondwaka Nge, mutindu mu pesaka kimbangi na mwa ntangu fyoti me luta na yina me tala kubwa. Nzambi, mu—mu, na nswalu nyonso mutindu mu ke sala yawu, mu—mu—mu zola mulemvo. Na kati ya ntima ya munu mu zola Nge. Mu—mu zaba ti Nge talisaka munu ntama mingi ve na kisika yina beto ke kwenda. Mu zaba ve ntangu Nge ke manisa na munu ntangu yayi, Mfumu. Mu—mu kele awa na nkokila yayi, mu . . . na lemvo ya Nge. Mpe mu—mu zaba ve ntangu Nge ke manisa, kasi mu zaba ti yayi fwana kukoma na yayi. Kasi ntangu ya ke kuma ntangu yina, mu—mu ke zola ve kuvwanda muntu ya koyi-koyi. Mu ke zola kutelama mutindu bayankaka ya bawu kutelamaka. Kasi, Nzambi, kana—kana—kana mu fwana kanga kimbangi ya munu na luzingu ya munu mosi, to nyonso yina ya fwana salama, Mfumu, byadisa yawu kuna. Kubiadisa munu ve; kubiadisa ministele yina mu longaka, Mfumu, ya kele Ndinga ya Nge. Mpe mu zaba ti Ndinga yango kele na kiyeka ya kuvumbula munu diaka na mvumbukulu. Mpe mu kele ve na nsoni ya Ndinga yina mu longaka, samu ti Yawu kele ngolo ya Nzambi samu na mpulusu na bayina nionso ke kwikilaka.

¹³⁰ Mu ke tonda Nge samu na mwa dibuundu yina kele dyaka ya kutelama bubu yayi. Ntangu mu bakaka yawu samu na Ndinga, baprofete pesaka profesi mpe tubaka, “Na bangonda sambanu ya ke kota na garage.” Bamvula makumi tatu me luta, ya kele mingi na tiya bubu yayi kulutila yina ya vwandaka na bamvula. “Na zulu ya ditadi yayi Mu ke tunga Dibundu ya Munu.” Beto ke tonda Nge samu na pasteur ya beto. Beto ke tonda Nge samu na ba-diacre, ba-administrateur. Beto nionso kele na mwa lutumu ya kusala, Mfumu, mpe beto zola kusala yawu mbote, beto zola kusala yawu mbote.

¹³¹ Ya lendaka vwanda na bayankaka awa mutindu kuvukana na beto na nkokila yayi, Mfumu. Mpe mutindu samu na bawu na kusala yawu, kele kusimba mwa Nsinga yayi ya luzingu mpe kubanda na kubenda, ke kanga Yawu na basinga ya bawu, ke kanga Yawu na ziunga ya ntima ya bawu, mpe ke tuba, “Ntangu yayi, Mfumu, benda munu, zangula munu,” mpe bawu ke kwiza mpe ke lezima mutindu wolo. Pesa yawu, Mfumu. Beto ke vingila ntangu yina.

¹³² Beto ke kwikila ti ya me kuma pene-pene ya nsuka. Beto ke mona ti mutindu beto vwandaka longa awa, Nsungi ya Dibundu ya Laodicée kele ntangu yayi, beto ke mona ti ya lenda vwanda ve na kima yankaka yina ke salama kasi Nkwizulu ya Mfumu. Mpe, Mfumu, yina ke vwanda ve yimpu ya nene

samu na Ndinga, kumona kukwisa Yimpu Yawu mosi? Mu ke zola kutelama awa mpe kutuba, “Yandi yayi, ya kele Mwana-dimeme.” Mutindu Jean salaka. “Beno tala Mwana-dimeme yina beto vwandaka vingila, yayi kele Yandi.” Mfumu ke kwisa na nswalu nionso na tempelo ya Yandi, ke nata bantu ya Yandi na Enlevement.

¹³³ Sala beto ya kuyilama, Tata. Sukula bantima ya beto na Menga ya Nge. Kumisa beto ya kuvedila mpe ya kuvedila, ti Ndinga ya Nge lendaka vwanda na kati ya beto. Mpe bika ti beto bambuka moyo ti beto fwana sala na zulu ya Ndinga, samu Yawu simba mbote mpe kuvwanda na kusalu. Pesa konso musumuki kubalula ntima. Sakumuna muntu nyonso yina kele awa. Basantu, bayayi, mingi ya binwani-mvita yayi ya ntalu ya biboba, Mfumu, ke na kunwanaka na ndilulu ya bitumba bamvula mingi, ba sekaka bawu, ba zonzilaka bawu mpe vwezaka bawu. Ba ke landila kaka na kukwenda samu ti bawu kuzwa Luzingu. Bawu zaba na Nani bawu me kwikila, mpe me ndima ti Yandi kele na kiyeka ya kukeba yina bawu pesaka na Yandi. Beto ke tonda Nge samu na yawu. Sambila ti Nge ke belusa bambevo yina kele na kati ya beto. Katula masumu ya beto nionso mpe bimbevo ya beto. Mpe, Tata Nzambi, baka nkembo na Nge mosi.

¹³⁴ Mu kele na bankundi mingi ya ntalu, Mfumu. Mu—mu zola bawu, mpe mu zaba ti bantu yankaka me luta na nsungi, mpe. Bankundi ya ntalu, bankundi ya luzolo, bantwenia mpe biboba, mpe beto ke zolaka bawu na ntima ya beto ya muvimba. Ntangu yayi kumisa beto ya kukwikama, Mfumu, kaka ya kukwikama na Ndinga, ti beto lendaka kutana na bawu na yinsi ya kulutila mbote kilumbu kisika ya ke vwanda ata fioti ve na mawa to bamawa. Beto ke vingila Nkwizulu ya Mfumu, ntama mingi ve. Beto ke kwikila ti Yandi ke kwisa.

¹³⁵ Ntangu yayi sakumuna muntu ya kukondwa lukwikilu awa na nkokila yayi, Mfumu, mpe bika yandi kuma mukwikidi mpe kundima Nge mutindu Mvulusi ya yandi na nkokila yayi.

¹³⁶ Mpe na yina beto kele na bayintu ya beto ya kukulumusa, kana ya kele na muntu awa na bayintu ya beno ya kukulumusa, ke tuba, “Mpangi Branham, kuna na kati ya ntima ya munu, mu—mu zola kuma na nsuka ya nzila, samu na kunwana bitumba ya mbote. Mu zola kuvwanda Muklisto. Mu ke telemisa diboko ya munu.” Nzambi sakumuna nge, mpe Nzambi sakumuna nge. Ya kele mbote. Nzambi sakumuna nge, nge. “Mu zola kuma na nsuka ya nzila ya munu, na bitumba ya mbote na manima ya munu. Mu ke ndima kaka Klisto ntangu yayi. Mu zola ti Yandi vwanda Kisadisi ya munu.” Mbote mingi, Mfumu sakumuna nge. Nzambi sakumuna nge, mama na manima. Ya kele mbote. Yandi—Yandi zaba nge. Mu me longoka mingi samu na Yandi na bamvula nyonso yayi, pene ya bamvula makumi tatu na zole ntangu yayi na manima ya chaire, Mu me longoka mingi samu

na Yandi ntangu yayi na kuzaba ti Yandi zaba konso kutambula yina beno ke sala. Yandi ke mona nswini. Bansuki ya yintu ya beno kele ya kutanga. Beno me mona, Yandi zaba nyonso na zulu ya yawu. Beno telemisa kaka diboko ya beno, mpe beno zola kutuba yawu, ya kele nyonso yina beno fwana sala. Mpe ya kele na maza ya kuyilama.

¹³⁷ Beno bambuka moyo, yinki beno ke sala? Beno balula ntima, beno kwikila na Nsangu ya mbote, mpe na manima beno baka mbotika (Samu na yinki?) samu. . . na Nkumbu ya Yesu Klisto, samu na mulemvo ya masumu ya beno. Yina kele kimbangi ya beno, ti beno kele. Masumu ya beno me kwenda ntangu beno me botama; beno me funguna yawu, mpe beno ke kwikila. Beno zola ve kusimba Nsinga ya luzingu na ntangu yayi mutindu ya ke na kubenda kuna na ntima ya beno, mpe na kutubaka, “Kwisa awa, kizieti. Zieta na Munu, baka kulunsi ya Munu na zulu ya nge. Longuka Munu, Mu kele pima mpe ya kukikulumusana na kati ya ntima, mpe bizitu ya Munu kele pepepe.” Beno tanda diboko mpe beno simba Yawu.

¹³⁸ Baklisto yikwa kele na kati ya Nzila na nkokila yayi, na kati awa, yina kele na kiese ti beno me kotaka ntama mingi? Beno me kotaka na yawu ntete, mpe beno kele ntama na nzila, beno ke na kukwendaka kaka na ntuala ya dikani. Mu ke sambila ti Nzambi ke byadisa ministere ya beno, nyonso yina ya kele. Ya lendaka vwanda kento ya yinzo. Mu ke sambila ti Nzambi ke byadisa ministere ya beno. Ya lendaka vwanda mulongi. Ya lendaka vwanda diakre. Ya lendaka vwanda mambele ya kento. Ya lendaka vwanda kisadi-bilanga. Mu zaba ve yinki ya kele. Nionso yina ya kele, bika ti Nzambi kubyadisa luzingu ya beno na nkembo ya Ndinga ya Yandi, mpe Enlevement ya Yandi ya Zole ke kwisa beno mpe ke nata beno na Yinsi yankaka kisika beno ke tala kaka mutindu mwa mbisi yina mu tubilaka, kuna na kati ya mpimpa. Beno me mona, beno lendaka mata ve Kuna na mutindu yayi ya nzutu. To beno lenda mata ve mutindu ba-astronaute yayi, beno me mona, beno fwana vwanda na kati ya kiswekolo ya mupepe. Beno kele ve mupepe samu na yawu. Kasi ntangu Nzambi ke sobaka beno, beno me kuma ya kifuluka na mupepe na ntangu yina, beno ke kwenda na Enlevement na ntangu yina. Ntangu ba-sense yayi ya ntoto me zimbana, mpe nge me kwenda na nzila yina ya nkembo ya kulunsi, nge ke vutuka na Yinzo na Yesu.

¹³⁹ Ntangu yayi, Tata Nzambi, beto ke tonda Nge samu na maboko yayi yina me kwisa samu na kuvwanda Baklisto. Mu ke kwikila ti bawu zolaka kutuba yawu na kati ya bantima ya bawu. Mu ke sambila samu na bawu, ti bawu ke kubwa ve na ntangu mosi. Mpe kana bawu kubwa, ti na nswalu bawu kuzwa Nzongi yina na Tata. Yina mu me longoka na kuvwanda kima ya nene, Tata, ti ntangu mu ke salaka bifu ya munu nionso, na yina mu ke mona ti mu kele na Nzongi, na nswalu nionso, na Tata, na

nzila ya Yesu Klisto. Mpe mu me vutuka dyaka na lemvo. Diboko ya luzolo ya Mfumu me kusuna, ya kele na Munkayulu ya menga yina kele kuna yina mu ke funguna kele Mvulusi ya munu.

¹⁴⁰ Bayina nionso kele ya kubela mpe kele na nsatu, mu ke sambila ti Nge ke pesa bansatu ya bawu mpe ke belusa bimbevo nionso, Mfumu. Mpe bayina kele awa ntangu yayi ya kuvwanda na yisi ya kupakulama yayi ya nkembo ya Mpeve-Santu, mutindu beto ke kuwa Yawu na mutindu ya lembami ke mwangana na zulu ya mioyo ya beto.

¹⁴¹ Tata Nzambi, Nge zaba yina mu vwandaka banza yina katukaka na Canada kilumbu yina. Mu banzaka, “Oh, mutindu mu ke zola kukota dyaka na reveil ya mutindu ya ntama, mpe kaka basantu ya Nzambi, ke yimbila, mpe ngolo ya Nzambi, ke kulumuka.” Oh, mutindu ntima ya munu ke boka na kyese mingi samu na yawu, Mfumu. Bika ti reveil kumwangana na kati ya tabernacle yayi, oh, ti ngolo ya Nzambi ke—ke mwangisa kaka maza ya lemvo, ke kota na konso ntima.

¹⁴² Mu ke tonda Nge samu na mwa kisika yayi, Mfumu. Beto vwandaka ve na lenda ya kukanga yawu mutindu yayi, ya vwandaka lemvo ya Nge yina bumbaka yawu na kimpeve. Mpe ntangu yayi mu ke kwikila, Mfumu, kisika ya kulutula kimpeve na kati ya yinsi, yina mu zaba, kele kaka awa na Bala-bala Nana mpe Penn. Mutindu mu ke tonda Nge samu na yayi, Mfumu! Mu ke kota na kati ya mabuundu mpe ke mona bawu madidi mpe ke kipaka diambu ve, mpe bakento yina ke na nsoni ve ti ba ke niongaka diaka ve, ata “amen” ve to ata masa ya meso ve na ditama, to kima mosi ve, mpe mpulusu ve, kima yankaka ve kasi kaka kukota na dibuundu ya bawu mpe kutuba credo ya bawu. O Nzambi, na yina kota na mwa kisika mosi ya kitoko ya tiya kisika ba me tunga tiya na autel nionso ya ntima ya bawu. Wapi kikesa ya kele, Tata! Wapi mutindu ya ngolo! Matondo na Nge, Tata, mpe bika yawu bikala tii na Kwizulu ya Mfumu Yesu. Sakumuna beto kintwadi ntangu yayi.

¹⁴³ Mpe mbasi kele Saba. Mpe, Mfumu, sadisa munu na suka, kana ya ke salama ti mu ke longa na zulu ya *Kutanga Ya Manimana-nima*. Nzambi, bika mu vwanda na kiyeka ya kunata yawu na mutindu ti bantu kumona yawu, Mfumu. Mpe ntangu yayi bika bawu mona kitezo ya ministele, mpe kisika ya kele, mpe yina beto ke na kuingila, mpe samu na yinki bima nionso ke salama mutindu yina. Bika bawu tanga na nzila ya 5, mpe na manima kubakula kisika yina beto kele ya kutelama.

¹⁴⁴ Mpe ntangu yayi, Tata, mu ke sambila ti Nge sakumuna beto mpe pesa beto kupema ya mbote na banzutu ya beto, mpe vutula beto mbasi. Sakumuna bantu yayi nionso me telama pene-pene ya bibaka, mpe me yekama na dikulu mosi na yankaka. Bakento, babakala, yina me telema kuna na mvula, mpe pene-pene ya banela, mpe ya kuvwanda na matoma ya bawu, mpe bisika

nyonso. Mu ke sambila ti Nge ke sakumuna bawu, Mfumu. Bika bawu vutuka na yinzo na lemvo ya Nzambi na kati ya ntima ya bawu. Mu ke sambila na Nkumbu ya Yesu. Amen.

¹⁴⁵ Beno me bakula ntangu yayi? Beno tanga yawu, ntete, ya Zole ya Timothée 2:4, ya Zole ya Timothée 4, kubanda nzila ya 5, ntete nge kwenda na mbeto na nkokila yayi, kana nge lenda, mpe nge ke mona kisika beto kele. Samu na yinki bantu yina mangaka yandi? Samu na yinki bawu kwisaka ve? Mpe ntangu yayi beno fwanikisa kaka ministere yango na yina beto ke na kulutilaka bubu yayi. Beno fwanikisa malongi ya Santu Paul. Beno bambuka moyo na mwa kima ya Mazulu yina mu monaka, mu tubaka, “Mbote, Paul fwana telama na bantu ya yandi?”

Bawu tubaka, “Yinga.”

¹⁴⁶ Mu tubaka, “Mu longaka Ndinga mosi yina yandi salaka, kaka kieleka, bikanaka na Nsangu ya mbote mosi.”

¹⁴⁷ Mpe ba-million me telemisa maboko ya bawu mpe me tuba, “Beto ke na kupema na zulu ya Yawu.”

¹⁴⁸ Mfumu sakumuna nge. Nge zola Yandi?

Tii beto ke kutana! Tii beto ke kutana!

Tii beto ke kutana! 🖱️

62-0908 Etapi Ya Ntangu Yayi Ya Ministele Ya Munu
Branham Tabernacle
Jeffersonville, Indiana U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org